

सानसेयारि "बड'सा" ख्रीरालाइयाव  
समाज्यादि जिउजो लोखा थाबाय रायथाय, ब्रन्थाय,  
सल', सल'बाथा आरु दावबायारि थाबनि, पाक  
बाइदिनि सायाव लिन्नाय लिन्बिबां दैथाय हर/  
सानसेयारि "बड'सा" ख्रीरालाइया खेबखानानै  
फोखावोन।  
बड'सायाव लिन्हरनायि हुबा खालाम,  
"बड'सा" ख्री नौथां, जो बयबो आंगो खालाम।

**सानसेयारि बड'सा मावखुलि**  
माइवं नोगोर, जोहोलाव दैमालु लामा  
ककाझार, बिटिसि-783370  
Website: www.bodosanewspaper.com

# सानसेयारि बड'सा



BODOSA ★ A Bodo News Daily ★ Sunday ★ 8 August, 2021 Kokrajhar, BTC, Assam ★ Vol.- 31, Issue No. 134 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

## टकिय अलिम्पिकआव भारतनि थाखाय सना मेडेल देहाबाय निराज चप्राआ



गोदान दिल्ली, 7 आगस्ट: भारतनि जेभलिन खुबेग्रा निराज  
चप्राया दासान्दि सोलिगासिनो थानाय टकिय अलिम्पिक 2020  
आव हादरनि थाखाय गिबियै सनानि मेडेल देहानो हानानै 130  
कौटि भारतयारिफोरनि थाखाय (□ 5 बिलाइआव)

## गिबि मन्थिआ इफक'आ दिहुन्नाय नेन' इउरियाखौ गिबि खेबनि थाखाय आसामाव मोनसे नेन' इउरिया दिहुनग्रा उधग गायसंनायनि थांखि लानो इफक'खौ गिबि मन्थिआ खावलायदो

दिसपुर, 7 आगस्ट: गिबि  
मन्थि ड० हिमन्त बिश्व शर्माआ  
दिनै जनता भवनाव थानाय  
गावनि मावख'नि सावराय  
न'मायाव खुंफुनाय मोनसे  
भिडिअ कनफरेन्सनि गेजेरजो  
इण्डियन फारमार्स फाटिलाइजर  
क'-अपारे टि भ लिमिटेड  
(इफक')आ दिहुन्नाय नेन'  
इउरियाखौ गिबि खेबनि  
थाखाय आसामाव (□ 5 बिलाइआव)



## कुमारिकाता राइज्योयारि देहा फाहामसालिखौ गं 30 बिसिना गोनो फाहामसालि खालामगोन: प्रमद बर'

बड'सा थान्दे, कुमारिकाता, 7 आगस्ट: बाक्सा जिल्लानि  
कुमारिकाता राइज्योयारि देहा फाहामसालियाव हरखाबै दावबायहेदो  
बिटिआरनि गहाइ मावफुंगिरि प्रमद बर'आ। बे ओन्सोलनि  
रायइजो-राजानि सुबिदाखौ नोजोर लाखिनानै कुमारिकाता  
राइज्योयारि देहा फाहामसालिखौ जौगाखां होनो थाखाय गं 30  
बिसिना गोनो खालामनो थाखाय (□ 5 बिलाइआव)

## बि टि आरनि गाहाय प्रमद बर'आ सालबारियाव दावबायहेनानै जेनाफोरनि सायाव सुलु लाहैदो

### बे समा हागामा महिलारीनि जिरायना लानांगौनि सम जाबाय: प्रमद बर'

भवानिपुर, 7 आगस्ट: खुंफुनो  
गोनो बाइ-इलेक्सनखौ  
सावरायलायनायनि आयदा  
होन्नानै साना। आसामाव गंसे  
सरकार दं, जेराव बि जे पि, ए  
जि पि, इउ पि पि एलआ ज'  
जानानै सरकारखौ दादो। बि टि  
सिआवबो गंसे सरकार दं,  
जेराव इउ पि पि एल, बि जे  
(□ 5 बिलाइआव)



## आसामनि हेन्डलुम टेक्सटाइल आरो सेरिकाल्सार बिफानआ माहारियारि हेन्डलुम सान फालिदो

दिसपुर, 7 आगस्ट: आसाम  
सरकारनि हेन्डलुम टेक्सटाइल  
आरो सेरिकाल्सार बिफानआ  
खानापारायाव थानाय आसाम  
स्कूल आउटरीस मिसन  
ससाइटीनि मावखुलिआव  
माहारियारि हेन्डलुम सान  
फालिदो। माहारियारि हेन्डलुम  
सान फालिनाय हाबाफारिआव  
आसामनि हेन्डलुम टेक्सटाइल  
आरो सेरिकाल्सार बिफाननि  
मन्थि उखावं गोरा ब्रह्मआ  
(□ 5 बिलाइआव)



रन्जन दैमारीखौ  
आयेनआरि हाबाफारिनि  
गेजेरजो उदां  
खालामनो आबोफआ  
दाबि दैखादो

ककाझार, 7 आगस्ट: बर'  
गोजोन गोरोबथानि मुंसाइगिरि  
एन डि एफ बिनि गायसनगिरि  
आफादगिरि रन्जन दैमारीखौ  
मिरु जोबथेसालिनिफ्राय  
दिहुन्नानै 10 थि ए पि बि एन  
केम्पआव लाखिनानै मेलेमारि  
खस्ट होनायखौ दुलाराय बर'  
आइजो अन्साइ गौथुम  
(□ 5 बिलाइआव)

खुंजानो गोनो उफ्रा  
बिसायख'थिनि थाखाय  
गसाइगाव जिल्ला  
माइनि रिटि इउपिपिएलनि  
साखा-फारा

गसाइगाव, 7 आगस्ट:  
राइज्योनि माखासे बियाबफोरजो  
लोगोसे गसाइगाव  
बियाबआवबो खुंजानो उफ्रा  
बिधान सभा बिसायख'थिआ।  
खुंजानो गोनो उफ्रा बिधान सभा  
(□ 5 बिलाइआव)

## एन आर सिनि बायमेट्रिकनि मुडव लाख लाख सुबुंफोरा आधार कार्ड मोन्नायनिफ्राय जानगाराव थाबोनांदो

हिन्दु बांगाली जेनाखौ सुन्नायनि सायाव गोनान्थि  
होनो गिबि मन्थिनिमिमा खावलायहरदो फेडारेसनआ  
बासुगाव, 7 आगस्ट: थानाय 4 आगस्टखालि आसाम  
सरकारनि केबिनेटआ नाजावनाय थांखि बायदियै आसामाव  
जिउ खोबोनाय नेपालिफोरनो गुबुनारि सिनायथिनिफ्राय रेहाय  
होदो आरो बिसोरनि सायाव दानिफ्राय मोनबो रोखोमनि डि  
भटार एबा गुबुनारिनि मुडव फोरमायथाय थिसनजायनि बिथिखव  
जाय थांखिखौ लादो बेखौ दुलाराय आसाम बेंगली लाइमोन  
फरायसा गौथुमनि बि टि ए डि जनेल कमिटीआ बरायदो।  
दिनै गांसे रादाब बिबुंसारनि गेजेरजो गौथुमनि बि टि ए डि  
जनेल कमिटीनि आफादगिरि राजिव सरकार आरो गाहाय  
नेहाथारि सन्दिप लाहिरिआ बेनि सोमोन्दे गावनि फिनजाथाय  
होनानै फोरमायोदि हारिनि (□ 5 बिलाइआव)

## पहुमारा दै रानसारथाय डिभिजन मावख'खौ बोस्लायनो थांखि लानायनि हेंथायै सोमावसारदो

भवानिपुर, 7 आगस्ट:  
पहुमारा दै रानसारथाय  
डिभिजननि सरुपेलायाव थानाय  
मावख'खौ सरुपेलायनिफ्राय  
बोस्लायनो थाखाय सरकारा  
थांखि लानायनि हेंथायै दिने  
खुद्विखानायजो लोगोसे  
भवानिपुर बिधान सभा  
बियाबनि एम एल ए आरो  
(□ 5 बिलाइआव)

## चिरां जिल्लानि भारत-भुटान सिमना ओन्सोलनि गामिफोराव नायगिदिहैदो मावफुं सोद्रोमा, जिल्ला बेंगिरि आरो जिल्ला खुंथायनि मावख'गिरिफोरा

काजलगव, 7 आगस्ट: चिरां  
जिल्लानि सिडव गोग्लैनाय  
भारत-भुटान सिमना ओन्सोलनि  
गोग्लैसोनाय गोथो गामिफोर जेरे  
हाथिसार, देवस्ति, तुकि बस्ति  
गामिफोरनि थासाखौ खौरां  
लानो थाखाय दावबायहेदो  
बिटिआरनि मावफुं सोद्रोमा  
रन्जित बसुमतारि, चिरां जिल्ला  
बेंगिरि नरेन्द्र कुमार शाहजो  
लोगोसे उफ्रा जिल्ला बेंगिरिफोर  
खनिन्द्र दास आरो अजित कुमार



शर्मा मोनहा। भारत-भुटान  
सिमना ओन्सोलनि  
गोग्लैसोनाय गामिआव राइजो  
जाबोनाय सुबुंफोरनि जेना-  
जेंसिफोरखौ मिथिनो थाखाय  
गामिनि माखासे  
दैदेनगिरिफोरखौ लानानै देवस्ति  
गेजेर फरायसालि आरो हाथिसार  
कमिउनिटि हलआव मेल  
लिंथुमनानै सावरायलायदो। बे  
सावरायलायनाय समाव  
(□ 5 बिलाइआव)

गसाइगावनि  
बर'बाधाआव खोमसि  
फोथायनायनि हेंथायै  
एसुआ सांग्राथियारि  
हाबाफारि लादो

गसाइगाव, 7 आगस्ट:  
आदिबाशी एबा साउताल  
हारियारि मैखोम  
ओन्सोलफोराव सोलौंथायारि,  
समाजारि, रोखाथियारि महेरे  
गोग्लैसोनाय दड' जायनि  
जाउनाव खोमसि फोथायनाय  
(□ 5 बिलाइआव)

## आक्रासुआ गकुल बर्मनखौ गाहाय नेहाथारि बिबाननिफ्राय हगारबाय

ककाझार, 7 आगस्ट:  
सोलिफु समाव कमतापुर  
अटनमास कार्डिस्लनि गाहाय  
मावफुं सोद्रोमा बिबान  
रजुनगासिनो थानाय गकुल  
बर्मनखौ दुलाराय कच राजबंशि  
फरायसा आफाद एबा आक्रासुआ  
गाहाय नेहाथारि बिबाननिफ्राय  
हगारबाय। दिनै ककाझार प्रेस  
क्लाबआव मोनसे खौरांगिरि  
मेल खुंनायनि गेजेरजो



फोरमायबावदोदि, गकुल  
बर्मनखौ आफादनिफ्राय  
हगारनायनि उनाव केशव रयखो  
आक्रासुनि गोदान गाहाय  
नेहाथारि महेरे सायख'नाय  
जाबाय। बेराफासै आक्रासुनि  
माखासे दैदेनगिरिफोर दासान्दि  
राजखान्थिजो लोब्बा थानानै  
खामानि मावगासिनो थानायनि  
सायावबो अजद होनानै बुडोदि,  
(□ 5 बिलाइआव)

## एन एन ब्रह्म जुनियर कलेजनि गोजाम आफादखौ सिफायनानै गोदान गभार्नि बडि दाफिनबाय



कसुगाव, 7 आगस्ट: ककाझार जिल्लानि गसाइगाव महकुमानि  
सिडव थानाय कसुगावआव फसंजानाय एनएन ब्रह्म जुनियर  
कलेजनि गोजाम आफादखौ सिफायनानै गोदान गभार्नि बडि  
दाफुनाय जाबाय। बिटिआरनि (□ 5 बिलाइआव)

## आसाम दर्शन बिथांखिनि सिडव ककाझारनि कालिबारि मन्दिआव बिफां फुलि गायदो



ककाझार, 7 आगस्ट:  
ककाझार सहर गेजेरनि पुलिस  
थाना खाथियाव थायाय ककाझार  
थानाफारा कालिबारि मन्दिआव  
सोमखोर आरो गोगो आबहावा  
थासारि सोरिजनायनि नोजोरजो

दिनै मन्दि सामलाय आफादनि  
बान्जायनायाव मन्दिआव  
सोरिगिदि बिफां फुलि गायदो।  
आसाम सरकारआ धोरम  
थानसालिफोरनि थाखाय  
जागायनाय आसाम दर्शन  
बिथांखिनि सिडव कालिबारि  
मन्दि सामलाय आफादआ बे  
बिफां फुलि गायनायखौ  
(□ 5 बिलाइआव)

**छ'भलिन®**  
एन्टिपेटिक क्रीम  
आरो  
इमलियेन्ट

गोजो आरो स्लिम विगुरनि थाखाय

**NERIM GROUP OF INSTITUTIONS**  
Estd. 1992

Affiliated to Dibrugarh University, Gauhati University & ASTU  
Approved by NCTE, BCI & AICTE, MoE, Govt. of India

**ADMISSION NOTICE : 2021-22**

Admissions open for the following programmes in  
Online and Offline mode.

MBA	BBA
MCA	BCA
M.Com	B.Com(H)
MSW	BSW
LLM	BALLB(H)
LLB(H)	PGDCA
M.Sc (Computer Sci.)	MA (Education)
MA (Applied Psychology)	PGDM
MBA Part Time 3 year	

N.B.: (1) Working personnel may opt for MBA (part time) and PGDM programme. Classes only on Saturday/Sunday.  
(2) Students may opt for PGDM either in distance or regular mode.  
(3) Eligibility norms for Admission will be followed strictly as per University Regulation.

For details, kindly visit our website Or may contact  
Admission Counsellor on  
9864750000 / 9954190758 / 9954051419.

Prof. (Dr) Sangeeta Tripathi, Director, NERIM  
Padma Nath Sarmah Bhawan, Jayanagar,  
Khanapara, Guwahati - 781022  
www.nerimindia.org nerimindia@gmail.com



# सुजुगिरिनि खोलोम

## जौ-जुवाया समाजखौ बैंगुरा खालामो

मिबथिस्ताबै समाव बाइदिसिना जाहोन आरो फोबॉनि समफ्राव लोगो लोब्वानि गेजेरजों रंजानाय-बाजानाय आरो दिखार दाहानि समफ्राव फेग्रा मुवा जानाय, लोनायनि हुदाया लाइमोन फोलेरखौलौ खैफोदिनि बांग्रि खेबाव खोखैयाखै-समाजनि गासै थाखोवावनो अलखद लाबोदों। आधिकालाव फेग्रा मुवा बाहायनाया जैरै बांबोदों बिबिदो बेनि जगायनायाबो सानफा एफा एरलाबबोदों।

जौखौ गाज्रिनि अनगायै रावबो मोजां बुडा, बुंबोयाखै। जायखौ जौसाय होन्नानै बुडे बे जौसायाबो जौखौ मोजां होन्नानै बुडा-बुंगोनसो गोसा, गोखै, सायनाय, गोलेँ, गोरा, नोरोम खामनाय बाइदि बाइदि नाथाय जौखौ गाज्रि होन्नानै बुग्रा मानसि नागिरनानै मोन्नाय नड जायफ्रा जौखौ लोफेराखै। बेजों गोरबेनाय गौतम बुद्ध बोसोन होनाय-नोनि गथ'नो आं जिउ होफिनो हागौ, होफिनगोन, नाथाय नों बै गामिनि नख'रफ्राव सोहें, बेनिफ्राय खिन्थाफै बबे नख'राव सासेबो मानसि थैयाखै। -गथ' थैजानाय बिमाया सासेबो मानसि थैफेरै न'खर नाइगिरनानै मोनाखै। बेनि ओथिया बेनो मानसिया बेराम-आजार जानानै, बोरायनानै थैयाखो-बेयो अराय सैथो। नाथाय रायखांनांगोया बेसोदि-लोमजानाय, बेराम-आजार सोखानो दिहुन्नाय मुलिफ्राव एलक'हल थाफायो। थानानै थासान्दियाव लोमजाफेरै मानसि नागिरनानै मोन्नांगोया गोब्रा। बे बिथिडेँ मानसिनि देहायाव एलक'हल मुवाया हाबफाखायो।

बेराफासै जौखौ बर' हरिमुनि एंगारथावयै बाहागो होन्नानै सान्नाय जायो। बोथोरनि बैसागु दमासि फोबौया दंखायो, थाबाय थागोन बर' हारिया जेसे गोबाव जोरगोन। बेनि अनगायैबो हाबा-खेराय जेरावबो जौ बाहायनाय जायो। नाथाय जेनाया नुजादों गोबांदाय बाहायनायनि जिबाउनावसो, जानाय लोनायनि थाखौ आरो पर्दा गैयैवासो। बोथोर बादालि, फोबौफ्राव फेग्रा-मुवा बाहायनाय आरो जगायनाय फासै समाजनि गोरों गोरों, राइजो-राजाफ्रानो होबथानाय आरो थि बाहायनायनि राहा लानांसिगौ इयुन जोलैसाफोरनि गोगो इयुनि थाखाय।

# दिनेनि फानजामुथि

**राशि बाइदियै मुनि गिबि हांखो**  
 मेष : अ ल बृष : ऊ ब (उ ए इ) मिथुन : क छ (ड ष) कर्कट : ड ह सिंह : म ट कन्या : प ठ (ण ष) तुला : त र बृश्चक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** जेरावखि जाया आन्दयलायनाय जानो हागौ। जेथिबो सांग्रां जानानै थानांगोन।
- बृष:** माबा मोनसे मुवा मोन्नाय आसा दड। गोजोन्नायखौ मोनो हागोन। मोजां सान।
- मिथुन:** माखौबा सान्नानै गोबां गिखांनय सोमजिनो हागौ। जेखियानो जाया गोसोखौ लोरबां खालामनाड।
- कर्कट:** सोखा मोजां सुबुंजों लोगोथि जालायनो हागोन। फारफ्रोमथिबो मोजां। गोजोन्नाय मोनगोन।
- सिंह:** जेखि जाया जेरावबो हायगानानै थानांगोन। गोसो हमथानानै सोलिनांगोन।
- कन्या:** जेखि मावा शान्ति मोन्नाय मोनगोन। नखर संसारा जौगाखांगोन। फारफ्रोमबो मोजां।
- तुला:** बेफार फालांगि मावग्राफोरनि थाखाय गाहाम सान। रं मुलाम्फा मोनो हागोन।
- बृश्चक:** मानिबा जारलायाव गोलैबायनो हागौ। गोसो हमथानानै सोलिनांगोन।
- धनु:** मानिबा दुखु दाहा सैनांनो हागौ। गोजोन्नाय गैयैजों समखौ बाराहोनांगोन।
- मकर:** माखौबा गोसोआव मोनो लुबैनाय फैनो हागौ। लगोसोखौ हमथानांगोन।
- कुम्भ:** गोरोनथि हाबा मावफलांदोंब्ला मिमांसा जालायफिनो हागोन।
- मीन:** लामा हान्थिनाय समाव सौदावला बायनो हागौ। सांग्राडै हान्थिनांगोन।

# मिरुआ एन आइ एस इ आर भुवनेश्वरनो डून बाहायनायनि गनायथि होबाय

गोदान दिल्ली, 7 आगस्ट: नोगोरारि उरां जाहाज बिफानआ माहारियारि बिगियान सोलौंथाय आरो संदानग्रा फसंथान भुवनेश्वरनो डून बाहायनायनि गनायथि होबाय। अदेबानि डून बाहायनाय ए एस आइनि हेफाजाबजों मिरुयारि महरै रैखाथि होग्रा बिल्डिंफोरखौ उरां जाहाजजों नायबिजिरसो आरो फटग्रामेट्री खालामनो गनायथि मोनो। सासे बिबानगिरिआ बिफाननि गेजेरजों फोसावनाय बिथोनाव फोस्मायोदि, नोगोरारि उरां जाहाज बिफान आरो नोगोरारि उरां जाहाजनि गाहाय बिथोनगिरिआ माहारियारि बिगियान सोलौंथाय आरो संदानग्रा आफाद भुवनेश्वरनो सुबुंथिजों लोगोसे उरां जाहाज नेमखान्थि 2021 निफ्राय गोखौडे रैहाय होबाय। एन आइ एस इ आरनि थाखाय डून सालायनो थाखाय गनायथि मोन्नाय जायगाफोरनि गेजेरव भुवनेश्वरनि रज-रानी मन्दिर आरो लिराज मन्दिरआ दंफायो। बे रैहायआ गनायथि मोन्नाय



अक्टनिफ्राय बोसोर सेनि थाखाय एवा उनिनि बिथोनसिम थागोन। सुलुनि बायदिव्ला बे दाननि जागायनायाव अमृत शहरपोरनि जौगाखानाय आरो हिसार, पन्चकुला, अंबालानि थाखाय सार्भेनि डाटा आवग्रिनाय, मेपिं आरो वेबनि सायाव सोनाग्रा जिआइएस प्लेटफर्मनि हाबाफारिनि थाखाय डिडएलबिआ हरियाणानो डून बाहायनो गनायथिबो होदोंमोन। मख'नो गोनांदि, थानाय 16 जुलाइयाव जम्मू-काश्मीर, साबां

# -दाहा फोरमायनाय-

'पर्वतझरा हालामनि बासबारी खाथिनि हागुंपारा (काऊबाहागो) गामियाव जोनोम मोननाय, 'भारतीय रिजार्ब बैंक'आव सरकारी हाबा मावनानै आजिरा मोन्नाय आरो 'गुरुदेब कालीचरण ब्रह्म ट्रास्ट'नि गायसनगिरि आफादगिरि, समाज सिबियारि गेदेमा मुश्री धनेन्द्र नाथ ब्रह्म बिथांड गुवाहाटीनि एक्सेल फाहामसालियाव देहा फाहामथाय लाबाय थादोंमोन। नाथाय दुखुनि बाश्रादि थानाय इराजी 04/08/2021अक्ट' सानखालि बेलासि समनि 4.30 रिंगायाव फाहामथाय लाबाय थानाय समावनो गावनि अन्जालि बिसि, सासे फिसाजो-बिजामादै, फंवाय आरो गोबां गावखौ मोजां मोनग्रा सुबुंफोरखौ अराय समनि थाखाय नागरानानै गावनि जोबथा हां बोयो। मिथिनाय बायदिव्ला गेदेमा बिथांड गाव थानानै थानाय समाव समाजनि गोबां हाबा मावलांदोंमोन। जैरै-भारतीय रिजार्ब बैंकआव सरकारी हाबा मावनानयनि अनगायैबो गेदेमा बिथांड 'गुरुदेब कालीचरण ब्रह्म ट्रास्ट'नि गायसनगिरि आफादगिरि, दुलाराय ब्रह्म धोराम आफादनि नैथि खेब लोगो आफादगिरि आरो बे आफादनिनि रांगिरिनि बिबान लानानै हाबा मावलांदोंमोन। आथिखाल समसिम 'गुरुदेब कालीचरण ब्रह्म ट्रास्ट'नि जीउनां सोद्रोमा जानानै दंमोन। गेदेमा बिथांड ब्रह्म धोराम आफादनि सायाव मोजां मोजां सुबुरुन होयोमोन। गेदेमा बिथांड 'गुरुदेब कालीचरण ब्रह्म'नि सासे भक्टमोन।

बिनिखायनो गेदेमा बिथानि रंसारि जानाय खौरांखौ मोननानै 'दुलाराय ब्रह्म धोराम आफादनि आफादगिरि मुश्री अमरेंद्र ब्रह्म आफाजों लोगोसे बे आफादनिनो बिबानगिरिफोर आरो बे आफादनिनो जथाय आफाद जैरै- दुलाराय ब्रह्म धोराम फोसावदिं आफाद, दुलाराय ब्रह्म धोराम लाइमोन आफाद, दुलाराय ब्रह्म धोराम लाइमोन फोसावदिं आफाद, दुलाराय ब्रह्म धोराम आइजो आफाद, गुरुदेब कालीचरण ब्रह्म ट्रास्ट आरो गुरुदेब कालीचरण ब्रह्म सेवाश्रम समिति, बेफोर गासिबो आफादफोरनि दैदेनगिरि, बिबानगिरि आरो गोबां ब्रह्म धोराम सिबियारि आइ-आफामोनाह गोथैयै दुखु मोननायखौ दुखुथिया नखरनिसिम फोरमायहरदों। बिथां गेदेमा सुंभुनि जीउ आत्माया परमात्माजों गोरबहैथोंसै। बिनि थाखाय गासै ब्रह्म धोराम सिबियारि आइ-आफामोनाह पुर्ण परब्रह्म ज्योति स्वरूप जीउमा गुरुनि खाथियाव आर'ज गाबो।

ऊँ शान्ति । ऊँ शान्ति । ऊँ शान्ति ।।।  
 अंकुर ब्रह्म  
 नेहाथारी - गुरुदेब कालीचरण ब्रह्म सेवाश्रम समिति, गुरुधाम, काजिगाव, पर्वतझरा ।  
 निरञ्जन ब्रह्म  
 आफादगिरि-  
 गुरुदेब कालीचरण ब्रह्म सेवाश्रम समिति

# इउएन रैखाथि परिषदआ पाकिस्ताननि सायाव दाय जाबसिन्नायखौ फोरमान होगोन आफगानिस्तानआ

निउयर्क, 7 आगस्ट : आफगानिस्तान सरकार पाकिस्ताननि सायाव उतखारि फसंथान तालिबानखौ दावहायाव मदत होनायनि दाय जाबसिन्नाय थादों। अदेबानि पाकिस्ताना बेखौ नेवसिगारबाय थायो। बेनि गेजेराव आफगानिस्तानआ इउएस रैखाथि परिषदनो गावनि दाबि देखानायखौ फोरमान होनो फुरा थियारि खालामनाय जादों। इउएनआव थानाय आफगानिस्ताननि थान्दै गुलाम इसाकजाइआ बुंदों रैखाथि परिषदनि सोद्रोमाफोरनो बेनि फोरमान नांगौ नामा। बेखौ गथायनो एवा दिन्थिनो थाखाय जों थियारि खालामनाय जादों।



बियो बुंबावोदि, आफगानिस्तान सरकारा बे केसखौ लाना पाकिस्ताननि सरकारजों सोमोन्दो लादों आरो पाकनो फोरमानबो हरनाय जादों। फासैथिं पाकिस्ताननि माहारियारि रैखाथि बोसोनगिरि सइद युसुफआ बृहस्पतिबाराव बुझेदि, आफगानिस्ताननि दाय जाबसिन्नायजों पाकिस्ताना गोसो बायदों। मख'जाथावदि, तालिबानआ नोगोरारिफोर आफगानि रैखाथि हान्जाफोरनि हें थायै गावसोरनि

गाग्लोबनायखौ गोखोंसिनि खालामदों। रिपटनि बादिव्ला, आफगानिस्तान सरकारनि खौरां बिजों बिगनि गाहायखौ तालिबानआ जिउ फोजोबदों। तालिबाना आफगानिस्तान सरकारनि खौरां बिजों आरो फोसावदिं मिरुनि दैदेनगिरि दावा खान मेनापालखौ जिउ फोजोबनायनि बिबानखौ लादों आरो गनायथिदों। थानाय माखासे सप्ताहफोरनि गेजेराव तालिबाना हादतनि सा-सान्जा राइज्यो नख'रजों लोगोसे आफगानिस्ताननि माखासे गाहाय जिल्लाफोरखौ दखल खालामदों। थानाय सप्ताहयावनो तालिबानआ हादतनि कन्धार राइज्योआव सासे बयजोंबो अन्सायजानाय फेस्ता फावगिरिखौ जिउ फोजोबदोंमोन। माखासे गोदान ओन्सोलफोरखौ दखल खालामबावनायनि उनाव तालिबाना आफगानि आइजोफोरनि सायाव गादबनाय आयेन आरो नेमखान्थिखौ फिन जाबसिन्ना होदों आरो गोखौडे सोलिहोदों।

# सि एम यगिआ सशेल मिडियाखौ लागाम गैयै गराय आरो बिमा -बिफा गैयै बुंदों

गोदान दिल्ली, 7 आगस्ट: उत्तर प्रदेशनि गिबि मन्थ्रि यगि आदित्यनाथआ सशेल मिडियाखौ लागाम गैयै गराय होन्ना फोरमायदों आरो बिहा रावबो बिमा-बिफा गैया होन्नानैबो बुंदों। बि जे पि मावसुमाफोरजों सावयनानै इउपनि सिएम यगि आदित्यनाथआ बुझेदि, आथिखालाव सशेल मिडियाआ लागाम गैयै गराय आरो बेनि सायाव लागाम होनो थाखाय ट्रेनि आरो थियारि खालामनायनि गोनांथि दड। लक्ष्मोआव खुंनाय सशेल मिडिया वार्कशपआव यगि आदित्यनाथआ बि जे पि आइटि सेलनि वार्कस आरौ बिबानगिरिफोरनि सिगाडव बे बाश्राखौ बुजे। इन्डियान एक्सप्रेसनि खौरांनि बायदिव्ला, यगि आदित्यनाथआ पार्टिनि मावसुमाफोरखौ सांग्रांथि होयोदि, जुदि बिसोर सांग्रां जायाब्ला मिडिया ट्रायेलनि मैहुर जानांनो हागौ। बेनि गेजेरजों बिथांड पार्टिनि आइटि सेलनि मावसुमाफोरखौ सशेल मिडियाआव फिन्नाय होनो थाखाय थियारि जा आरो बेनि थाखाय बबेबा मोजां समखौ नेनो नाड होन्ना बुंदों। अदेबानि बिथांड बेनिखायनो बे लागाम गैयै गरायखौ कन्ट्रल खालामनो थाखाय जॉनियाव बे रोखोमननि ट्रेनि आरो थियारिया जोबोद गोनांथार होन्ना बुंदों। बेरा फारसे यगि आदित्यनाथनि सशेल मिडियानि बे बिबुंथिनि सायाव कंग्रेसनि सिनियर दैदेनगिरि कपिल सिब्लन्आ फिनजाथाय होदों। बेनि सोमोन्दे बियो भारतआव दरखेसे राइज्यो दड; जाय लागाम गैयै राइज्यो होन्ना टुवटआव सोंथि दिखांदों। सुलुडव फोरमायनाय बायदिव्ला, दिने भारतआरि जनता पार्टिनि माहारियारि आफादगिरि जेपि नाडुआ सान्नेनि थाखाय उत्तर प्रदेशयाव दहैयो। बे समाव बिथांड सानै पन्नायत आफादगिरिफोरनि अनगायै पार्टिनि लेडइ बिबानगिरिफोर आरो मन्थ्रिफोरखौ मिशन 2022 नि देहानायनि बिजाब फरायहोगोन। बियो शनिबार खालि फुंनि 11.00 रिंगायाव चौधुरी चरण सिं एयारफट लक्ष्मोआव सौहैयो, जेराव पार्टिनि लेडइ बिबानगिरिफोर, गागि दैदेनगिरिफोर आरो मावसुमाफोरा बिथांखौ बरायो।

# आमेरिकायाव 50 जौखोन्दो करना भेक्सिन थुखांबाय, डेल्टा भेरिएन्टआ जिंगाखौ बारायहोदों

वासिंटन, 7 आगस्ट : आमेरिकायाव 50 जौखोन्दो नोगोरारिफोरखौ करना भेक्सिन थुखांबाय। शाहपरआ मोनसे टुइटाव बुंदोंदि, आमेरिकायाव 5.65 लाख गोदान करनानि भेक्सिनखौ थुखांबाय। बे 7 साननि गोदान भेक्सिननि हारआ थानाय सप्ताहनिखुइ 11 जौखोन्दो बांसिन आरो थानाय सप्ताह खनैयाव 44 जौखोन्दो जादों। गासैबो थाखोनि बैसोनि 50 जौखोन्दो आमेरिकानफोरखौ फुरा भेक्सिननि ड्रप थुखांबाय। बेनि गेजेराव रासिया एवा चीननि करना होबथाग्रा भेक्सिन लानानै आमेरिकायाव थानाय



गुबुन हादतफोरनि दावबायारिफोरा मोनसे खानानै होनाय नेमखान्थिनि गेजेरजों आमेरिकायाव हाबहैनो गनायथि होतावगौ ना होथाबा बेखौ बाइडेन खुंथाया थि खालामनो आद्रा दड। मानोनाव माखासे सान सिगां हवाइट हाउसआ मिथि होदोंमोनदि, गिखंथावै इनफेक्सनखौ बांसिन गोसारहोनाय करनानि डेल्टा भेरिएन्ट आरो हादतआव करना पजिटिभ केसआ बांबोनायनि सायाव नोजोर होनानै हादतआव दावबायफैनाय होबथानाय सोलिहोनाय थागोन। डेल्टा भेरिएन्टनि जाहोनाव करना पजिटिभनि अन्जिमाया एमपिफोरखौ गोदान राइज्योआव गाहाम देहानि नेमखान्थिफोरनि सायाव सावरायफिनो जागायबाय। मख'जाथावदि, आमेरिकायाव करनानि गोदान केसफोरा से दानआव सानसेयारि केसआ 5 गुन बांसिन जानाय थिसनजादों। थानाय से सप्ताहनिफ्राय सानफ्रोमबो 95 रोजानि बांसिन पजिटिभ केस मोन्दों। बेनि थाखाय डेल्टा भेरिएन्टखौ गाहाय जाहोन होन्नानै गनायथिनाय जादों।

# करनानिफ्राय मोजां जानायनि उनाव श्रीलंकानिफ्राय भारतआव फैफिनबाय युजबेन्द्रा चहल आरो कृष्णाप्पा गौतमआ

गोदान दिल्ली, 7 आगस्ट: भारतीय टीमनि लेग स्पिनार युजबेन्द्रा आरो अलराउन्डर कृष्णाप्पा गौतमआ श्रीलंकानिफ्राय हादातआव सौफैबाय। बावैसो समाव श्रीलंकानि वान्डे आरो टी-20 सिरिजनि दावबायनाय समाव करना पजिटिभ मोन्नायनि उनाव सानैबो गेलेगिरिफोर बेवहायनिफ्राय टीमजों लोगोसे फैफिनो हायाखैमोन। आथिखालआव सानैबो करनानिफ्राय रिक्भार जानायनि उनाव भारतआव फैफिनबाय। भारतआव सौफैनायआव चहलाया गावनि टुइटर एकाउन्टआव मोनसे सावगारिखौ पस्ट खालामदों, जेराव बियो गावनि बाख्तायगिरिफोरनो गावनि गाहाम जानायनि सोमोन्दे टुइटरयाव मोनसे सावगारिखौ पस्ट खालामदोंमोन। बियो बि सि सि आइ आरो श्रीलंका क्रिकेट एस्पलसिनो गाहाम हामलायथि बाउहरदों। बेनि अनगायै मदतनि थाखाय डाक्टरफोर आरो गुबुन युबुन फाहामथाय होग्रा मावसुमाफोरनो गाहाम हामलायथि बाउहरदों।



# आन्दामान निकबरआ करना इनफेक्सननिफ्राय रेहाय मोनबाय, सान्निफ्रायनो गोदान केस फैयाखै

आन्दामान, 7 आगस्ट : मिरुजों खुंजानाय राइज्यो आन्दामान निकबर द्वीप हान्जायाव थांनाय सान्निफ्रायनो करना इनफेक्सननि जेबो गोदान केस फैयाखै। बेराफार्से, भारतआव सानसेयावनो करना भाइरासनि 38 रोजानिखइ बांसिन केस आरो सा 600 निखुइ बांसिन थैनाय अन्जिमाया थिसन जादों। मिरुजों खुंजानाय राइज्योनि सावसि बिबानगिरिनि बायदिब्ला, दासिमाव बेयाव गासै इनफेक्सननि अन्जिमाया 7,541। बेयाव दा साब्रैल' एक्टिभ केस दड आरो बिसरो खोला आन्दामान जिल्लानि। अदेबानि सा आरो गेजेर आन्दामाननि जिल्लाय आथिखालाव करनानिफ्राय उदां जाबाय। मिरुआरि सावसि बिबानगिरिनि शनिवार फुंनि 8 रिं गायाव अन्जिमाया फोसावयो। सावसि बिबानगिरिनि बायदिब्ला,



आथिखालाव हादतआव रिक्भारि रेटआ 97.37 जौखोन्दो आरो सानफ्रोमबोनि पजिटिभिटी रेटआ 2.21 जौखोन्दो। सानफ्रोमबोनि पजिटिभिटी रेटआ थांनाय 12 साननिफ्राय 3 जौखोन्दोनिफ्राय खमसिन जाबाय। बिबानगिरिनि बायदिब्ला, थांनाय 24 घन्टानि गेजेराव सा 38,628 गोदान केस फैयो आरो सा 617 इनफेक्सन जानाय सुबुंफोरा थैयो। बेजों लोगोसे हादतआव दासिमाव गासै इनफेक्सननि केसफोरनि अन्जिमाया 3,18,95,385

बायदिब्ला, भारतआव दासिमाव गासै 47,83,16,064 सेम्पलफोरखौ टेस्ट खालामखांबाय। जायफोरनि गेजेराव थांनाय शुक्रबारखालि 17,50,081 सेम्पलखौ टेस्ट खालामनाय जायो। हादतआव थांनाय 16 जानुवारीनिफ्राय करना भेक्सिन थुनाय हाबाफारिया सोलिगासिनो दड। बेनि गेजेरजों थांनाय 24 घन्टानि गेजेराव करना भाइरासनि 49,55,138 भेक्सिन थुनाय जादों। जायनि उनाव गासै भेक्सिन थुनायनि अन्जिमाया 50,10,09,609 जाहैयो।


# भारतआव करनानि गोदान 38,628 केसफोरजों लोगोसे थांनाय 24 घन्टायव इनफेक्सन जानायफोरनि अन्जिमाया दावखलायदों

गोदान दिल्ली, 7 आगस्ट : भारतआव थांनाय माखासे सानफोरनिफ्राय गोदान केसफोरा 40,000 निफ्राय जौसिनाव थांनाय अन्जिमाया शनिबाराव खम जादों। हादतआव भेक्सिन थुनायाबो मोजाई सोलिगासिनो दड आरो बेनि गेजेराव करनानि गोदान केसफोराव खम जानायनि खौरांओ गोजोनथाव जादों। अदेबानि थांनाय सानफोराव करनानि थैनायफोरा बांदों, जाय जिं गानि आयदा जादों। थैनायफोरनि अन्जिमाया 600 नि बांसिन जादों जाय थांनाय सानआव फेनाय 464 एब बृहस्पतिवारआ फेनाय 533 थैनायफोरनि अन्जिमायानिफ्राय गोबां बांसिन जादों। गहाम देहा मावख'नि बायदिब्ला भारतआव थांनाय 24 घन्टायव करना भाइरासनि गासै 38,628 गोदान केस मोनदों। बे समाव 40,017 सुबुंफोरा रिक्भारिबो जादों। फार्सेथिं थांनाय

घन्टाफोराव 617 सुबुंफोरा करनानि थैदों। हादतआव दासिमाव 3 कौटि 18 लाख 95 रोजा 385 करनानि केसआ सोराडाव फैखांबाय। फार्सेथिं हादतआव आथिखालाव 4 लाख 12 रोजा 153 संग्रान्थि केस दड। हादतआव दासिमाव 3 कौटि 10 लाख 15 रोजा 861 सुबुंफोरा रिक्भारि जाखांबाय आरो भारतआव दासिमाव 4 लाख 27 रोजा 371 सुबुंफोरा करनानि जाहोनाव थैखांबाय। गहाम देहा मावख'आ फोरमायदोंदि, संग्रान्थि केसआ गासै केसनि 1.09 जौखोन्दो जादों। सप्लाहयारि मोजां जानायनि बिबाडा 5 जौखोन्दोनिफ्राय गाहायाव जादों, आथिखालाव 2.39 जौखोन्दो जादों। सानफ्रोमबो पजिटिभिटी रेटआ 2.21 जौखोन्दो जादों। सानफ्रोमबोनि पजिटिभिटी रेटआ थांनाय 12 सानफोरनिफ्राय 3 जौखोन्दोनिफ्राय खम जादों। फार्सेथिं हादतआव रिक्भारि रेटआ 97.37 जौखोन्दो जादों। फोरमायनाय बायदिब्ला नायनाया करना टेस्ट गोबां बांदों। दासिमाव गासै 47.83 कौटि आन्जाद नायनाय जाबाय। फार्सेथिं हादतआव थांनाय 24 घन्टाआव करना भाइरासनि गासै 49,55,138 भेक्सिन थुनाय जादों, जायनि उनाव गासै भेक्सिन थुनायनि अन्जिमाया 50 कौटि 10 लाख 09 रोजा 609 जादों। भारतआव 16 जानुवारी 2021 आव जागायनाय कभिड-19 नि भेक्सिन थुनाय

# इन्डियान कस्ट गार्डनि डाइरेक्टर नटराजनखौ आरइसिएपीनि बिथोनगिरि महरै सायख 'दों

गोदान दिल्ली, 7 आगस्ट : इन्डियान कस्ट गार्डनि डाइरेक्टर के नटराजनखौ आरइसिएपीनि इयुननि बिथोनगिरि महरै सायख'नाय जाबाय। बिनो बे बिबानखौ एसियाआव जाहाजफोरनि हँथायै लैथोमानि डाकातिजों जुजिनो थाखाय होनाय जादों। बेनि गाहाय मावख'आ सिंगापुरआव दं। बे खाबुआव गुबुन हादतनि मन्थि एस जयशंकरआ के नटराजननो गहाम हामलायथि बावदों। गुबुन हादतनि मावख'आ मोनसे बिबुंथिआव बुंदों, भारतीय बिजाथिआ



आरइसिएपीनि गासै 21 बिजाथिआ चीन, सोद्रोमा हादतफोरनि गेजेराव फिलिपाइन्सनि बिजाथिखौ फेजेन्दों। गुबुन हादत रिपोर्टनि बादिब्ला भारतीय मावख'आ गावनि

बिबुंथिआव बुंदों डिजि इन्डियान कस्ट गार्ड'खौ सिंगापुरनि आरइसिएपी इम्फर्मेशन सेयारि सेन्टारनि इयुननि बिथोनगिरिनि महराव सायख'नाय जादों। बिथो बिथोनगिरि महरै 2022 आव बिबानखौ सामलायनो हागौ। गुबुन हादतनि मन्थि एस जयशंकरआ इन्डियान कस्ट गार्ड डाइरेक्टर खौ आरइसिएपीनि इयुननि बिथोनगिरिनि महराव सायख'नायाव लैथोमा रैखाथिआव जौनि बिहोमा होनायखौ बान्जाय जाथाव महरै नोजोर होदों।

**05417/05418 आलिपुर दुवार जंसन-सिलघाट टाउन स्पेसिएल ट्रेनि खारनाय**

गाहायाव होनाय सम फारिलाह बादिबे ट्रेन नं. 05417/05418 नम्बरनि ट्रेनखौ आलिपुर दुवार जंसन आर सिलघाट टाउननि गेजेरव हागारिफोनो थाखाय थिंखि लानाय जाबाय:-

सौफेनाय	हागानाय	स्टेसनफोर	सौफेनाय	हागानाय
17:00	17:34	आलिपुर दुवार जंसन निड	07:45	--
17:29	17:34	कचबिहार	06:20	06:25
17:58	18:00	तुफानगन्ज	05:50	05:52
19:45	20:10	धुबुरी	04:25	04:50
20:25	20:27	गौरिपुर	04:00	04:02
22:00	22:02	फकिराग्राम जंसन	02:25	02:27
04:30	04:50	गुवाहाटी	22:08	22:28
06:48	06:50	सापसुमुख जंसन	19:27	19:29
07:36	07:38	नगाव	18:38	18:40
09:00	--	सिलघाट टाउन	--	17:40

गुबुन लाखिजा जायगाफोरि: गल्लकान्ज जंसन, निड कडगाव, कामाख्या, जागिख आरो जकलाबन्दा स्टेसन

कम्प्लिसन: स्लीपर क्लास-(मोनने), जेनेरल सेकेन्ड क्लास-(मोननि) आरो जिएसएलआर/डि-(मोनने)=मोन 11 कच।

जेनेरल भेनेजार् (आपोरसन्स) सा-सान्जा सिमा ओनसोल रेलवे




अभियाननि दावबायनाया गासै अन्जिमाया बारदों। मख'नो देरसिन राइज्यो इउपिआ 7 दाननि उनाव 50 कौटिनि गोनांदि, हादतनि बयनिखुइबो दासिमाव बयनिखुइबो बांसिन

भेक्सिन थुदों। फार्सेथिं नैथि थाखोआव महारास्टूआ दड आरो 3 थिआव गुजरातआ जायगा बानायदों। हादतआव जेसेबां केसआ फैदों, बेनि खावसेआनो केरेलानिफ्रायल' फैदों। बे बाश्रानि खौरंखो सरकारनिफ्राय लानाने सरासन्ना सुबुंफोराबो होदों। बेनि जाहोनाव मिरुआ गावनि हान्जाफोरखौबो बेवहाय देथायहरदों नाथाय इनफेक्सनखौ खाबुआव खालामनो सम लादों आरो राइज्योआव इनफेक्सन जानायनि अन्जिमायाव बांद्राय खम जानायखौ थिसन्नो हायाखै।

# हादतनि गोबां बाहागोयाव दै बानाजों सुबुंफोरा खैफोदाव गोगलैनाडे

गोदान दिल्ली, 7 आगस्ट: आदतनाडे मौसुमि बोथोरनि अखा हागासिनो। बिहार, झारखन्ड, रजस्थान, मध्यप्रदेश, सोनाब बंग', पान्जाबजों लोगोसे गोबां रइज्योफोरवनो थानाय गोयै अखा हागासिनो, जायनि जाहोनाव बेफोरव दै बानानि थासारिया सोमजिदों। सोनाब बंग'आव दै बानानि थासारिया गिख्रंथाव महर लाबोदों। बिगियानगिरिफोरा दैमाफोरनि दैनि बिबाडा बांबोनाय आरो सोनाब बंगनि गाहाय ओन्सोलफोराव दै बानानि सांग्रान्थि होदों। सा भारतआव शुक्रबारनिफ्रायनो सिदोम बोथोर जाना दड। रजस्थाननि माखासे बाहागोफोरव लान्थ्रियैनो अखा हाबाय थानायनि जाउनाव बान्दोफोरनिफ्राय 1.5 लाख क्युसेक दै हागरहरनायजों दै बानानि बायदि थासारि सोमजियो। मध्य प्रदेशआव से सप्लाह अखा हाबाय थानायनि उनाव फिन रोजा अखा हाबावगोनखौ बोथोर बिबानआ हमदादों। मध्य प्रदेशनि गवालियर-चम्बल अन्चलआव थांनाय सानथामसिम दै बाना लोमसावनाने गोबां सिलिंखार जालादों। दै बानानि देया जैरे जैरे खमायलादों एरैनो सिलिंखार जानायाबो सोराडाव फैबाय थादों। खुंथाया बे दै बानायाव सा 20 सुबुंफोरनि जिउ गोमानायखौ रोखा खालामदों। बिसोरनि मादाव शिबपुरियाव सा 11, हयपुरआव सा 6 आरो सुरैनायाव सा 3 जिउ गोमादों।



बेनि अनगायै भिन्ड आरो दतियाआवबो दै बाना लोमानै जिउ गोमानायनि रोखा अन्जिमाखौ रोखा जुथायनाय हाबाफारि मावनाय जादों। लान्थ्रियैनो रोजा अखा हाबाय थानायनि जाहोनाव बिदिशा, गुना आरो अशकनगर जिल्लायाव दै बाना बायदि थासारि सोमजिदों। गुना जिल्लायाव दैमा-दैसा, दंग बायदिफोरव दै लोमसावनयजों गामिफोरवबो दै लोमसावफेयो, जायजों दर 290 गामिफोरा सिलिंखार जादों। सडा गामियाव सा 300 सुबुंफोरा सोरगिदि दैबानाजों बेंखनजायो। फारसेथिं रजस्थानआव कटा संभागआव अखा हानायनि जाहोनाव कालीसिन्ध, आहु परबन, कालीखाइ आरो छपी दैमाफोरा लोमसावदों खाथि-खालानि ओन्सोलफोरव। दैमाफोर आरो जाम्फेफोरा लोमसावनयनि जाहोनाव झालाबड आरो मध्य प्रदेशजों फोनांजाबनाय माखासे लामाफोरा बन्द जादों। अखा

जेंना जादों। जालौननि रामपुरायाव सिन्धु दैमाया उसिरलाबनायनि उनाव शुक्रबाराव सान्थिया रैखाथि हाबाफारि जागायो आरो गोबां गामिफोरव थाबथाना थानाय सुबुंफोरखौ दिहुना रैखाथि जायगायाव लाबोयो। जिल्लायाव सिन्ध, पहज आरो यमुना दैमाफोरा उसिरलाबनायजों न'-बां, मोसो-मोसा गासैबो गोदोलादों आरो बोहैखारलादों। गामियारिफोरा राहा गोथेना गावनि जिउ रैखाथिनि थाखाय गुबुन जायगायाव थांनगौ जादों। यमुना दैमाया उसिनाने दै लोमनायजों सदर आरो अजीतमल महकुमानि दर 22 गामियाव जैरेबो दै जाजोबो। रइज्योनि दै गोहो मन्थि ड० महेन्द्र सिंआ एरैया, इटबाजों लोगोसे दै बानाजों गोहोम गोगलैनाय जिल्लाफोरखौ उरां जाहासजों नायगिदिहैयो। रोजा अखा हानायनि जाहोनाव प्रयागरजआव दैमा-दैसाफोरनि दैनि बिबाडा गिख्रंथाव जखासिम सौहैयो। सुबुंफोरनि न'फोराव दै लोमजोबो। बिहारनि पाटनाजों लोगोसे गोबां जिल्लाफोराव दै बानानि थासारिया गिख्रंथाव जाना दड। बेनि गेजेरव गंगा, पुनपुन दैमाया पाटना आरो भागलपुरआव खैफोद गोनां जखानिखुइ गोजौसिनाव बोहैदों। फारसेथिं पाटनानि गोबां गामिफोरव न'-न' दै हावदों, जायजों सुबुंफोरनि जेंनाया बांसिन जादों।

**NOTICE**

Dated :-18/07/2021

bidders/purchaser in the arrangement of auction mill and its accessories on 10<sup>th</sup> August/2021 by Officer, Baksa Forest Division, Mushalpur. Issued from this office contained details of said scrap lots along with forms and content of sale.

on sale form may be collected from the office of A.M. to 4 P.M. on payment of Rs. 50/- (Rupees) each copy of auction sale notice and auction sale.

he aforesaid date for any unavoidable reason, the day.

bend saw mill and it accessories will be made rked within Bodoland Territorial Region area allowed to transport outside B.T.R.

Sd/- (Sri Dipul Barman,AFS) Divisional Forest Officer, Baksa Forest Division, Mushalpur.

**EDUCATIONAL NOTICE**

**ISSUE OF ADMIT CARD FOR POLYTECHNIC ADMISSION TEST [PATJ-2021]**

All candidates who have applied for appearing Polytechnic Admission Test [PAT]-2021, (to be held on 22<sup>nd</sup> August, 2021) are requested to download their Admit Card and check the centers allotted. The Admit Card will be made available online from 14<sup>th</sup> August, 2021.

**PROCEDURE TO DOWNLOAD THE ADMIT CARD**

- Log on to <http://dte.assam.gov.in> PAT-2021. Then go to the next page click on "Application Login" placed in the top MenuBar, and an application Login Screen will appear. Login to your account using your "Application Number" and your "Date of Birth" as entered during submission of online application.
- Click on "Download Admit Card".
- Your Admit Card will be generated. You can now take print out of your ADMIT CARD.

**HELP DESK**

A) For the candidates who are unable to download their Admit Card. candidates must have -  
I] applied online and having a valid Application No.  
II] bring valid proof of payment (through State Bank Collect) and Payment Reference No.

B) For the candidates who have already applied for registration to appear the above Tests, but unable to submit their requisite fees-  
I] applied online and having a valid Application No.

**Please Note :-i)]n case of (A) & (B):- Manual Admit Card will be issued by the concerned Principal of the nearest Polytechnic from 20/08/2021 to 21/08/2021. The concerned candidate are asked to collect Manual Admit Card from the Principal of the nearby Polytechnic of their centre (Mentioned at the time of online registration)ii)]No new application/registration shall be accepted during this period. iii)] No such requests shall be allowed on the day of Examination.**

Sd/-  
Director of Technical Education, Assam,  
Kahilipara, Guwahati-19.

Janasanyog/D/3449/21



# मुलुगनि माखासे हाग्राफोरव थाग्रा मोनसे हारिनि जनजातिफोरनि जिउ खांनाय राहाया जोबोद सोमोनांथाव

दिने जॉ नॉसोरसो फोरमायनो लादों, मुलुगनि आलादा-आलादा ओन्सोलफोरव जिउ खांनाय थानाय खायासे जनजातिफोरनि जिउ सावगारिफोर। जॉनिफ्राय गोजान मुलुगयाव जिउ खांग्राफोरनावबो गोजोन लाखिनारयनि राहाफोर थायो। जेब्ला बेफोरनि गेजेराव माबेबा मोनसे राहानिफ्रायबो जॉखौ दसे सम गोजोननिफ्राय जानगायव दोनो नाजायोब्ला अब्ला जॉ सुखुये जेना गोनां जानाय मोनो। नाथाय मुलुगाव माखासे बेबादिवो सुबुं दं, जेब्ला बेफोर भौतिक (मुवायारि) खाबुफोरनिफ्राय जोबोद गोजानाव थायो। बिसेरनि थाखाय दिनेबो आदारआ जाबाय मैहुर खालामनाय। बिसेर सुबुंफोरा सरासन्हा सुबुंफोरनिफ्राय जुदाथार। बेनि सोमोन्दे दिने जॉ



नॉसोरनो दिन्थिनो लादों, मुलुगनि जुदा-जुदा, आलादा-आलादा बाहागोफोरव थानाय ज न ज। ति फोरनि राहाफोरिफोरखौ। वेस्ट (सोनाब) आफ्रिकानि बेनिनआव थानाय

फुलानी ट्राइबनि सुबुंफोरा बेनि गिबि ट्राइब, बिसेरो इस्लाम आजावना लादोंमोन। बे जनजातिनि सुबुंफोरा समायनाखौ जोबोद गोनांथि होयो। बेयावनि हिन्जावफोरा समायना जानायनि थाखाय

घन्टा-नाडे घन्टा दंफां थुखाजों महराव टेटु बानायो। हौवा बैसो जानायखौ मिबथिनो थाखाय चाबुकजों बुनाय जायो। जायफोरा जेसेबां गोखौ चाबुक बुना लायो, बिखौ हौवा होनानै फोसावयो।

## गोजोननाय गैया

गोसोआ गोजोननाय गैया मिजिं आरो जेंनानि बोदोर। जावलिया फागुननि बारजों बुखार जानाय आनि जिउ। मोदैन लैथो आनि; बोहैखार लांबाय आनि-थानि, अन्थायनि बान्दो, हाजो-हाला, हाग्रा-बंग्रा सौसि-सोसि। गोसो गैया रावबो आंखौ दिखांनो आबाद थिलियाव हासार गैया फुरिखनि लैथो सोरबा धोनि सुबुंनि थाखाय दं बियो हारिसिं गोमजोरै रावनिबो अनसायनाय गैयायाव। गोसोआ गोजोननाय गैया; दुखुथिया आनि जिउ लाइमोन बैसोआ। गोदाव सोराव हारिसिंडे दडआं आनि-थानि, सोरनि अननायखौ मोनगोन बेखौ नेनानै, जेब्लासिम जाफुगोन-आनि मिजिं जिउनि-थांखिया। गोसोआ गोजोननाय गैया मोनहास थै गोजौ अखरानि समायना गोजों हाथरखि जागोन माबोला गोजोन सोरां। सुखु गोजोन गैया दान्दसे दुखुथिया जिउखौ लानानै सान्ध्र' हायै जेना। बेसेन गैया दुखुथिया सुबुंनि, थरथिसे थै.....। जागोन माबोला गोजोन सोरां, जिउनि खोमसि लामाया। नेनानै थासिगोन आं जेब्लासिम जाफुगोन, आनि मिजिं जिउनि थांखिया बै मोजां मोननाय अनजालिखौ।

राजेन नाजरी  
शान्तिपुर गोजौ फरायसालि

## उदांस्रिया बयनिबो

समान मोनथायनि समान उदांस्रि दंबयहाबो बुहुमाव जोनोमोन्नानै रावबो खमसिन बांसिन नड, जों बयबो रोखोमसेयैनो मानसि माहारिसो। जोंखौ गोरा दौलेंजों रावबो खावथानानै लाखिआखै गोनांथि गैया गावजोंगाव दावराव दावसि, एना-एनि जानायनि। दानि बे बुब्लियाव बिदिन्थाया जोंनो दिन्थिआखै, दरजा खोरखि गैयै न'आव एरसोनानै थाबाय थानो। जोनोमखौ लादों जेब्ला-मानसि माहारिनि महैरैनो मावनांगौ हाबाफोर दं जोंहा जिउजोबजासिमाव, साग्लोबनानै दं मानसि माहारिजों मावजानांगौ बुहुमाव गोबां हाबाफोर। गुलाय-गुजाय खामानिखौ स्र' थख-थख खालामलांगोन, गोबां हारि-हारिसाफोरनि गेजेराव गोरोब लायनानै जों खोसेयै थालांगोन-गंसे मम बाथनि सोरांखौ जों बर' माहारियावबो लगायनांगोन बिर ग्लांगोन जोंबो उदां दावफोरबायदि नाथाय, फानजारि सिडव नड। गादबनानै दा दोन जोंखौ जोंबो गाम्बारि सिख्ला, बिरगोस्रि सिख्ला डिमु सिख्ला मोनबादि बिमा माहारिनि।

मिस रैरुप बसुमतारि  
जिल्ला-कक्राझार

# रंजालि गथ' फोरनि सौरा

## बेलासि समाव दासान नॉ अनजालु

बेसेबा मोजां, बेसेबा समायना बेलासि सम बेलासि समनि समाव आं जेब्ला गसायखौ खुलुमो। अब्ला आनि बिखा बिखलो गोथार सान्नाय लाना गोजोनो बेसे गोथौ बेसे दाहार दसेनो आरो दुखुनि बोहैथिया सुघालाडे। दानदिसे सम ईसोरखौ खुलुमोब्ला गियाननि गुथाल सौदावफैयो ईसोर मानसिनि गोजोना बेसे एसे नाथाय दुखुआ बांसिन। बेलासि समाव आनि गोसोआ रंजानायजों बाज्ल'यो। जेब्ला ईसोरनि महरखौ गोसोजों आं नागिरना खुलुमो... अब्ला नागिरो गियाननि लामायाव आगान सुरनो। नाथाय दं गोबां सौदाव- सौसि बेनो गोसोखौ हमथायो। आं मोनथियो गोसोआ जोबोर दुस्त' बेखौ नडब्ला बैखौ। बेनिखायनो ईसोर नॉ आनि जीउआव गोथार गियाननि बोर सास्रि दानि जुगाव गावजों-गाव सिनाया हे-ईसोर। दानि समाव रावबो फोथाया,गात्रिनि लामायाव आगान सुरनाय। बे आनि जीउनि बेलासि समाव जेब्ला आं ईसोर नॉखौ फुजियो..... आंनो गियान हरो नॉसोर आफा-आइ आंखौ बुजाय दानदिसे सम। बे आनि थार साबसिन जीउनि समायना बेलासियाव जेब्ला गोसोआ गियाननि गोजोन बार हाबफैयो अब्ला दसे सम गियाननि लामा थाबायना मानो थार्थ'फिनो आनि गोसो।

दुथां ब्रह्म  
कक्राझार।

## हाबिला

नै अनसुली रजे फांदां नॉनि समाइना महराव आं गोजावबाय दाहाजों लोगो मोनैयाव रूगुं हरे फारसे। रंगिना संगिना बिबार बारियाव नॉदि बारसेल बिबार गोबॉनि जागोनदा नॉ आनि अनसुलि रजे थैस थांस अराय समनि। नॉखौ लानानै सुजु दोंमोन दोंसे समाइना रमाइना बिबारनि माला नाजावगोनदा नॉ आनि सुजुनाय बिबारनि मालाखौ। गोजोन जागोन आनि जिउआ होफैयोबोला रजे नॉनि अन्नायनि थरथिसे थै रानलांनाय सोलेराव आनि

मुस्रि माधव बर'  
ला:सो:- 3 नं दिहिरा,  
जिला- बागसा बि टि सि आसाम  
बैसो- जिदाइन (18)

दासान नॉ अनजालु आंखौ अनजालि होननानै, साननानै दा ला नॉ अनजालु आंखौ गावनि असे होननानै। अनजालु, आं नॉनि अननायखौ नागारनो हाया, थैवबो आं नॉनि आंगोनि जानो हाया। नॉ जाबाय हागानि मोसा आं जाबाय न'निनो दावसा, हाजों अखांजों गोरोबगोनाबो जेब्लाबो नड थामसा। गाबोननो आं नॉनि असे जागोन खैफोर समाव सोर नायफिनगोन? फागुननि जावलिया बारा बुसोमगोन अब्ला आंखौ सोर बोखांगोन? दासान नॉ अनजालु आंजों मोजां मोननायनि खेला गेलेनो। आंथ' गांसेबो लाइजाम हराखैमोन नाथाय नॉ.....नॉ गामियाव माबोरै बदनम होखो? आंखौ मोजां मोनो होननानै। हाबाव! दासान दासान अनजालु नॉ आंखौ मोजां मोनो होननानै, नॉ मिथिया नामा मोजां मोननाया खेला नड होननानै नाथाय, नाथाय नॉ हारिनि थाखाय मोजां मावनो ना आंखौसो नोजोर होनो? दासान नॉ अनजालु.....।


-थरायना फुन' बर'

## बाइफ्लेनाय मिजिं

फागुननि जावलिया बारजों बुसोम जानानै मेंनाय देहाखौ लानानै आगान सुरलांदोंमोन रजे, आं नॉखौ लोगो हमनो होननानै, बै जिउनि लांगोनायाव। नाथाय दिने आं अननो रोडे फागुननि जावलिया बारजों बुखार लांजाबाय रजे नॉनि बेसेबांबा गोजानाव। जाखां फैयो दाबो रजे, नॉनि मिनिखैरो मिनिनाइआ सिमां मोकथां साया-माया आनि साखाथियाव। हांमा थाबाय रजे, नॉखौ लोगो मोनैयाव दाहा थाबाय रजे नॉखौ नुयैआव। माबोरै बावनो रजे, नॉनि बे दावखौआनि बायदि गोदे गारांजों राइज्जलायनायखौ। बे जोनोमाव गैया रजे, बै जोनोमाव नॉखौनो अराय समनि थाखाय, नेनानै थाबाय थागोन आं रजे जिउनि लांगोनायाव।

मुस्रि पुष्या कुमार ब्रह्म  
जिल्ला:-कक्राझार

# चीननि इन्जुरजों लोब्बा थानाय सोमोनांथाव बाथा



भारत आरो चीननि गेजेराव सिमनाखौ लानानै दुंहाव थासारिया सोलिगासिनो थायो। चीनआ जेब्लायबो गावनि गोहोखौ लानानै न'सुसे हादरफोरखौ मेगन गोजा दिन्थिगासिनो थायो। बेफोर थासारियाव नॉथां मोनहा भुमनि बयनिखुइबो गिदिरिसिन इन्जुर (वाल अफ चाइना) जों लोब्बा थानाय माखासे मुहिनांथाव आरो सोमोनांथाव बिथिफोरखौ मिबथिनो गोनां सानो ना? चीननि बे इन्जुरा गथि जौथाय थामहिनबा 2800 बोसोर सिगां बानायजेनजादोंमोन आरो बेयो आबुं जानायाव बाडयैबो 2000 बोसोर सम लादोंमोन। बे मुंदांखा इन्जुरखौ राज किन सि हुआंया बानाय होदोंमोन।





(□ 1 बिलाइनिफ्राय)

(□ 1 बिलाइनिफ्राय)

(□ 1 बिलाइनिफ्राय)

## आसामाव मोनसे नेन ' इउरिया दिहुनग्रा उद्यग गायसंनायनि थांखि लानो इफक 'खौ गिबि

दैथायहरनायनि हाबाफारिखौ भेचुंवेलि फ्लेग अफ खालामो। मख 'नो गोनांदि मुलुगाव गिबि खेबनि थाखाय इफक 'आ नेन ' इउरिया टेकन 'लजि दिहुन्दें। जाय आबादाव बाहायनायनि बिथिडव इउरियानि सोलायै मोनसे साबसिन हासार महरै सिनायथिजागोन होन्नानै मिर्जिंथिनाय जादों। गावनि बिबुंथियाव गिबि मन्थ्रि ड॰ शर्माआ इफक 'नि बे थांखिखौ गोदान मुगायारि आबादनि जारिभिनाव नुफेरै मोनसे जाथाय होन्नानै फोरमायो। बे गिदिर जाफुंसारनो हानायनि थाखाय बिथाड फसंथाननिंसिम हामब्लायथि बाउहरनायजों लोगोसे इयुनावबो आबाद खोन्दोखौ फारफ्रोमबो बिथिडव सोलायहोनायनि बे मोनसे सायख 'जाथावयै दिन्थिफुंको हागोन होन्नानै मिर्जिंथिनाय फोरमायो। हादोरनि फारफ्रोमबो बिथिडव जौगाथायनि थाखाय गाहाय मन्थ्रि नरेन्द्र मदिनि थांखिनि खोथाखौ मख 'नानै गिबि मन्थ्रिआ बुडेदि 2019-20 रोंखान्थियारि बोसोराव भारत सरकार इउरियानि थाखाय 55 रोजा कौटि रं खरसा खालामदों। नेन ' इउरिया दिहुनजानाया बे गिदिर फुन्जिखौ बोखंनायाव मदद होगोन होन्नानै बिथाड मिर्जिंथिनाय फोरमायो। नेन ' इउरियानि 500 मिलिलिटरनि मोनसे बथलानो 45 किल 'ग्राम इउरियानि मोनसे बेगनि समान पुस्टि जगायनो हागोन होन्ना फोरमायनानै बिथाड बुडेदि बेनि जाउनाव हासारनि लाबोनाय, दोनश्रुमनाय बायदिनि खरसाफोरा जोबोर खम जागोन। हादोरनि सरासत्रा आबादारिफोरनि जौगाथायनि सार्थ'आव इफक 'आ दिहुन्नाय बे बेसेन गोसा टेकन 'लजिआ हादोरनि गुबुन राज्योयारि खोन्दोनि उद्यगनोबो हरनानै फसंथाना गुवार गोसोखौ दिन्थिफुंनायखौबो साबायखर बाउहरो। गावनि बिबुंथियाव गिबि मन्थ्रिआ आसामाव नेन ' इउरिया दिहुन्नायनि मोनसे बिथांखि गायसन्नो थाखाय दावगाबोनो इफक 'निंसिम खवलायहरो। राज्योयाव सम सम नुजाथिनाय इउरिया आरो गुबुन हासारनि अंखालनि बागै फोरमायथिनानै बे बिथिडव जरखा नोजोर होनायजों लोगोसे राज्योनि आबादारिफोरनिंसिम रासायनिक हासारनि समानथि आरो थि समबायदियै जगायथायखौ रोखा खालामनो थाखाय हासार रानसारथायनि मोजां हाबाफारि लानो थाखाय बिथाड इफक 'निंसिम खवलायहरो। दिनैनै बे हाबाफारियाव आबाद मन्थ्रि अतुल बर आरो इफक 'नि सामब्लायगिरि ख॰ उदय शंकर अवस्थिआबो बिबुंथि लाखियो। इफक 'नि आफादगिरि बलबिन्दर सिंह नाकाइआ बराय बिबुंथि लाखिनाय बे हाबाफारियाव साबायखर बाउहरो इफक 'नि लेडइ आफादगिरि दिलिप सांहानिआ। बे भाचुंवेल फ्लेग अफ हाबाफारियाव उद्यग आरो फालांगि बिफाननि मन्थ्रि चन्द्रमहन पाटवारी, गिबि मन्थ्रिनि राजखन्थियारि बोसोनगिरि जयन्तमल्ल बरुवा, इफक 'नि राज्योारि मार्केटि मैनेजार ( सा-सान्जा) अजित भट्टाचार्यजों लोगोसे फसंथाननि गोबां बिबानगिरिफोराबो बाहागो लादोंमोन।

## बि टि आरनि गाहाय प्रमद बर 'आ सालबारियाव दावबायहैनानै जेंनाफोरनि सायाव सुलु लाहैदों

पि, जि एस पि ज ' जानानै सरकारखौ दादों। राइजो-राजाफोरा सोलायनाय लाबोनायनि थाखाय बे सरकारखौ दानो खाबु होदों। बे सरकारा सोलायनाय आरो जौगाथायनि बिथिडव जगायजेन्नायनिफ्राय थांखि लादों। गुबुन गुबुन जेंनाफोरखौ सुझानायनि थाखाय आखाय होदों। बे बायदि समाव बाइ-इलेक्सनआव जुथाय हान्जायानो बियाबफोरखौ दखल खालामगोन। नाथाय कभिडनि गोब्राब थासारियाव गोबां जेंनाफोरजों मोगा-मोगि जानो गोनां जादों। जरखायै बि टि सिनि उदखारि जेंना बायदि मोनसे गिख्थाव जेंनाया सुझां जालांबाय। आथिखालाव जों राइजो-राजाफोरनि जौगाथाय, जेंना सुझानायनि खामानिखौ मावनो आंखारबोदों। फैगौ 2-3 बोसोरनि गेजेराव बड 'लेण्डनि महर-मुस्त्रिआ सोलाय जागोन। बे बाश्राखौ बि टि सिनि मावफुं सोद्रोमा प्रमद बर 'आ सालबारियाव नुजाथि हैनानै खौरां बिजोंनि सिगाडव बुडे। गुबुन फासैंथि खौरांगिरिफोरनि सोंथि सोंनायनि फिन्नायाव बिथाड बि टि सिनि बाररा ' गाहाय खुंगिरि हाग्रामा महिलारीखौ थांखिनानै बुडेदि हाग्रामा महिलारीया गोबां मावलांबाय। बिथाड जि मावबाय मावलांबाय। बिथाड आरोबाव मावनो नांलिया। बे सभआ हाग्रामा महिलारीनि जिरायनायनि सम। हाग्रामा महिलारीआ जिरायथों। प्रमद बर 'आ बि टि सिनि थाखाय जरखा टेट खुंफुंनाय जागोन होन्नानैबो बुडे। मख 'नो गोनांदि दिने बि टि सिनि गाहाय मावफुं सोद्रोमा प्रमद बर 'आ बि टि सिनि सालबारि बियाबनि गुबुन गुबुन जेंनाफोरनि सोमोन्दे राइजो-राजा, टि सि एल सि सि, भि सि डि सि, इउ पि पि एलनि गुबुन गुबुन थाखोनि बिबानगिरिफोरनिफ्राय सुलु लाहैयो। सालबारि बियाबनि जेंनाफोरनि सोमोन्दे सुलु लाहैनाय समाव सालबारि बियाबनि टि सि एल सि सिनि मासिगिरि आरो इउ पि पि एलनि सालबारि जिल्ला कमिटिनि गाहाय नेहाथारि बिन्द मुसाहारी, इउ पि पि एलनि सालबारि जिल्ला कमिटिनि आफादगिरि जगेस्वर बसुमतारी, मिरु नेहाथारि सुरेश सरकार, मिरु मावफुं सोद्रोमा प्रदिप सरकार, सिलायाय बसुमतारी, दोलोनि मिरु आइजो गांखोंनि गाहाय नेहाथारि बिउटि बसुमतारी, दोलोनि लाइमोन गांखोंनि सालबारि जिल्ला कमिटिनि आफादगिरि सत्यजित बर जों लोगोसे माखासे दोलोनि दैदेनगिरि-सोद्रोमाफोराबो बाहागो लादोंमोन।

## पहुमारा दै रानसारथाय डिभिजन मावख 'खौ बोस्लायनो थांखि लानायनि हेंथायै सोमावसारदों

सरुपेता-भबानिपुर ओन्सोलनि राइजो-राजाफोरा दुखु मोन्नाय फोरमायो। बे आयदाखौ लानानै सरुपेता ओन्सोलजों लोगोसे भबानिपुर बिधान सभा बियाबनि एम एल ए आरो राइजो-राजाफोरा दिने सोमावसारनाय हाबाफारि लायो। मख 'नो गोनांदि पहुमारा दै रानसारथाय डिभिजननि सरुपेतायाव थानाय मावख 'खौ भबानिपुर-पातासारकुसि दै रानसारथाय डिभिजनाव मुं सोलायनायजों बजालि जिल्ला सदरसिम सरकारनि केबिन्देआ बोस्लायनायनि थांखि लादोंमोन। सरकारनि बे थांखिनि हेंथायै रागा जोंखानाय फोरमायदों भबानिपुर बिधान सभा बियाब आरो सरुपेता ओन्सोलनि राइजो-राजाफोरा। दिने साननि 11 रिगानिफ्राय 2 रिगासिम पहुमारा दै रानसारथाय डिभिजननि सरुपेतायाव थानाय मावख 'नि लॉगोना मोखाडव पहुमारा दै रानसारथाय डिभिजननि मुंखौ हुखोमोरनानै गोदान मुं होनायजों डिभिजननि माव 'खौ बोस्लायनो थांखि लानायनि हेंथायै भबानिपुर बिधान सभा बियाबनि एम एल ए फनिधर तामुलदारजों लोगोसे गोबां राइजो-राजाफोरा हेंथा सोमावसारनाय हाबाफारि लायो। सोमावसारनाय हाबाफारिनि गेजेराव भबानिपुर बिधान सभा बियाबनि एम एल ए फनिधर तामुकदारआ बिबुंथि होनानै पहुमाना दै रानसारथाय डिभिजननि मुंखौ हुखोमोरनानै गोदान मुं होनानै बोस्लायनो थांखि लानायखौ गोखों हेंथा होयो। बिथाड गावनि बिबुंथियाव बुडेदि पहुमारा दै रानसारथाय डिभिजननि सरुपेतायाव थानाय मावख 'खौ सरुपेता आरो भबानिपुर बिधान सभानिफ्राय बोस्लायनो होया। गोखों गोहोजों हेंथा होनाय जागोन। गोनांथि जायोब्ला जिउ बाउसोमगोन होन्नानै बिथाड बुडे। सरुपेटानि समाज सिबियारि बि्तु चौधुरीनि सामब्लायनायाव खुंफुंनाय बे सोमावसारनाय हाबाफारियाव गागि नोगोरारि अरबिन्द बर्मन, बिजन बयान, अक्सय डेका, नागसे बैस्य, प्रानेस्वर बैस्य, चित्तरन्जन दास, प्रानजित दासआबो पहुमारा दै रानसारथाय डिभिजननि मुंखौ हुखोमोरनानै सरुपेतायाव थानाय मावख 'खौ बोस्लायनो थांखि लानायखौ गोखों हेंथा होनानै बिबुंथि लाखियो। बेनि अनगायैबो सोमावसारनाय हाबाफारियाव एम एल ए आरो राइजो-राजाफोरा बायदि रोखोमनि स्तगानजों होस्त्रिखाननानै ओन्सोलखौ सोगोमखोंहोयो।

## रन्जन दैमारीखौ आयेनआरि हाबाफारिनि गेजेरजों उदां खालामनो आबोफआ दाबि दैखांदों

( आबोफ)आ गोथौ दुखु मोन्नाय फोरमायदों। लोगोसे गोजोन गोरोबथानि मुंसाइगिरि दैमारी आरो केडारफोरा दिनेंसि से खावसे बोसोरनाइबे बेबायदि जोबथेसालियाव जोबनानै दोनजानाया खाफाल हावरियानि बाश्रा। बेनिखायनो थाबैनो आयेननि गेजेरजों बिजिरनानै दैमारी आरो गुबुन केडारफोरखौ जोबथेसालिनिफ्राय उदां खालामनगौनि थाखाय दुलाराय बर ' आइजो अनन्साय गौथ्रुमआ आसाम सरकार आरो मिरु सरकारनिंसिम खालाया हरदों होन्नानै दिने गांसे रादाब बिबुंसारनि गेजेरजों आफादा फोरमायदों। रादाब बिबुंसाराव फोरमायबावनाय बादिब्ला थानाय 5 आगस्ट 2021 आव अभयापुरिआव पुलिस आरो आबगाारि बिफान जौ फालांगिरिफोरनि हेंथायै हाबाफारि लानायाव सासे आइजो पुलिस बिबानगिरिआ गावनि देहाखौ फानोब्ला बांसिन रं मोनगोन होन्नानै आइजोनि सायाव बिबुंथि होनायखौ आबोफआ गोखों रावजों सोंखारिदों। जौ फालांगिनि हेंथायै हाबाफारि लानायखौ आफादा बरायदों नाथाय सासे आइजो पुलिस बिबानगिरिआ गुबुन होवा पुलिस बिबानगिरिफोरनि सिगाडव देहा फालांगिरिआव हाबहैनो होस्त्रिखान होस्त्रिखान बुंनो मोन्थायखौ सोर होदों ? आरो गावनो सासे आइजो जानानै गुबुन सासे आइजोखौ बेबायदि गात्रि रावजों मानगैयै खालामनाया दुखुनांथाव आरो सोंखारिजाथाव। बेनिखायनो इयुनाव बेबायदि बिबुंथि होनायनिफ्राय जानगाराव थानो थाखाय सांग्र्थि होनायजों लोगोसे आइजो पुलिस बिबानगिरिखौ साखिनिफ्राय बोख्लयानांगौ होन्नानै दुलाराय बर ' आइजो अनसाय आफादा आसाम सरकारनिंसिम दाबि दैखाडे।

## आसाम दर्शन बिथांखिनि सिडव कक्राझारनि

बान्जायदों। कक्राझार थानापारा कालिबारि मन्दिर सामलाय आफादनि आफादगिरि उमारनि बसुमतारिआ बाहागो लानानै बे बिकां फुलि गायनाय हाबाफारिखौ बेखेवनानै होयो। सामलाय आफादनि आफादगिरि उमा रानि बसुमतारिआ फोरमायथिनाय बादिब्ला, बे मन्दिरखौ जौगाखांहोनो आरो जोथोनै लाखिनो थाखाय आसाम दर्शन बिथांखिनि सिडव 10 लाख रं सेंक्सन मोन्नो हादों। बेनिखायनो राइज्यो सरकारनि हरनाय बे बिथांखिनि रंखौ मन्दिर जौगाखांहोनायनि खामानिआव बाहायनो थाखाय लानाय जादों। बे मन्दिरआव बोसोरफ्रोमबो जायगानि अनगायैबो कक्राझार जिल्लानि आरो राइज्योनि गुबुन गुबुन जिल्लाफोरनिफ्रायबो फुजा होनो थाखाय धोरोम सिबियारिफोर लोब-लोब फेयो। नाथाय दासान्दि लकडउउननि जाहोनाव धोरोम सिबियारिफोरनि फुजा खालामफेन्नाया एसे बाडइ जादों होन्नानै फोरमायबावो आफादगिरि उमा रानि बसुमतारिआ।

## कुमारिकाता राइज्योयारि देहा फाहामसालिखौ गं 30 बिसिना

थांखि लागोन आरो आसाम सरकारजों सावरायनानै थाबैनो थिक खालामनाय जागोन होन्ना बुंथियो बेजों लोगोसेनो कुमारिकाता राइज्योयारि देहा फाहामसालियाव गंसे एन्बुलेन्स गारि, लेबार थाग्रा खथा, गोगो दैनि जगायथाय बायदिखौ थाबैनो मावफुंगोन होन्ना बुंथियो। खौरांगिरिफोरा उफ्रा बिसायख 'थिनि बागै सोंथि खालामनायाव प्रमद बर 'या बुंथियोदि, खुंफुंजानो गोनां आसामनि उफ्रा बिसायख 'थिया गोनांथार आयदा नड, आथिखालाव टेट पास जानानै थानाय एल.पि आरो एम.इ आरो गोजौ फययसालिनि थाखाय फोरोंगिरि थिसन्नाइ आरो लाइमोनफोरनो खामानि होनाय आयदायासो बांसिन मावनो गोनां आयदा होन्ना बुंथियो। उफ्रा बिसायख 'थियाव

## इउपिपिएल बिजेपि दोलोया जुथाइयै बाहागो लागोन होन्ना बुंथियो। चिरां जिल्लानि भारत-भुटान सिमना ओन्सोलनि

गामियारिफोय गावसिनि जिउखों राहायाव नुजाथिनाय गोबां जेंना-जेंसिफोरखौ फारि-फारियै फोरमायथिनानै होनायजों लोगोसे गावसिनि हालामआव मोजां लामा फोनांजाब, लोंग्रा दै जगायथिनाय, देहा मिरु, अर्गनबादि मिरु आरो थोजासे फरयसालिफोर गायसन्नो थाखाय सरकारखौ खवलायो। लोगोसे सुबुं आरो मैदेरनि गेजेराव सोमजिनयो दावहाखौबो फोजोबनायनि रहा लानो गामियारिफोरा फासैंथि। एरैहाय गामियारिफोरनि खवलायनायनि फिन्नाय महरै चिरांनि जिल्ला बेंगिरि नरेन्द्र कुमार शाहआ हाथिसार, देवस्त्रि, त्रुकि बस्ति गामिनि गासै जेंनाफोरखौ बोझानायनि रहा लानो खोथा होयो। मावफुं सोद्रोमा रन्जित बसुमतारिआबो गामियारिफोरखों सावरयनाय समाव गाव-गावनि गथ 'फोरखौ फरयसालिआव थंहोनो लोगोसे गुबुन गोदें बाश्रा बुंनायाव जाहाथे गाव-गावनि गथ 'फोरखौ गुबुन जायगायाव थानो थाखाय हगार हरा बेनि थाखाय किमा-बिफा आरो दिथागिरिफोरखौ खवलायो। लोगोसे भारत-भुटान सिमना ओन्सोलनि गामिफोरनि गाहाय जेंना जैरै लामा फोनांजाव, लोंग्रा दै, सोलौंथायनि जेंनाखौ लाफानानै गासै जेंनाफोरखौ बोझानायनि थाखाय सरकारनि जौगालु बिथांखिफोरखौ गोख्यै मावफुंगोन होन्नानै खोथा होयो। बे समाव बेटलनि सार्केल अफिसार फ्रान्जल शर्मा बरुवा, सिदरली ब्लक डेभेल्पमेन्ट अफिसार बिमला बरगयारि, भिसिडिसिनि सोद्रोमाफोरबो बाहागो लादोंमोन।

## गसाइगावनि बर 'बाधाआव खोमसि फोथायनायनि हेंथायै

बायदि गुबुन गुबुन नेम-खान्थिफोरा साउताल हारिनि सुबुंफोरनि गे जे राव दिनेंसिमबो सोलिबोगासिनो दं। बे बायदि खोमसिफोथायनायनिफ्राय आदिबाशौ साउताल सुबुंफोरनि गेजेराव सांग्र्थि लोबनायनि थांखिजों दुलाराय साउताल फरयसिम आफाद सुंदयै एसुआ गोथौ गामियारि ओन्सोलफोराव गुबुन गुबुन रोखोमनि सांग्र्थियारि हाबाफारि लागोसिनो दं। बावैसो सिगां गसाइगाव महकुमानि बर 'बाधा फरेस्ट रेन्जनि सिडव थानाय मटरझार गेलेग्रा गोथाराव हाग्रा ओन्सोलाव जिउ खंबोनाय राइजो-राजाफोरखौ लाफानानै मोनसे सांग्र्थियारि हाबाफारि खुंनाय जायो। खमैबो गं 15 हाग्रा गामिनि राइजो-राजाफोरा बाहागो लानाय बे सांग्र्थियारि हाबाफारिखौ एसुनि साउताल कलनि दखरा कमिटिनि गाहाय नेहाथारि हपना हासदाआ आफादगिरि मासि सामब्लायनायाव खुंफुंलांनय जायो। सांग्र्थियारि हाबाफारिनि थांखिखौ बेखेवनानै होयो बाबुराम माडिआ। मे हाबाफारियाव एसुनि मिरु गाहाय नेहाथारि रिमान सेरनआ गाहाय आलासि महरै बाहागो लानानै साउताल हारिनि फरायसुला-फरायसुलिफोरनो गोगो सोलौंथाइ होनायनि गेजेरजों सोलौंथाइ गोनां खालामनो हायोब्लासो समाजारि, रोंखान्थियारि बिथिडव जौगाखांनायजों लोगोसे खोमसि फोथायनाय बायदि हुदाफोरा समाजनिफ्राय बोझांजागोन होन्नानै बिथाड बुडे। सांग्र्थियारि हाबाफारियाव एसुनि मिरु बारग ' लोगो नेहाथारि बिमल हेमब्रम आरो गसाइगाव जिल्ला कमिटिनि आफादगिरि रमेस मुमुं मोनहाबो बाहागो लादोंमोन।

## आक्रासुआ गकुल बर्मनखौ गाहाय नेहाथारि बिबाननिफ्राय हगारबाय

आक्रासुआ मोनसे रजखान्थि नडै माहारि आफाद। कच राजबंशि हारिनि रेखाथि, जौगाथाय, थामोन्था आरो हारिनि जेंना-जेंसिफोरखौ बोझांनो थाखायसो आक्रासुनि जोनोम जादों। नाथाय दासान्दि आक्रासुनि माखासे दैदेनगिरिफोरा आक्रासुनि मुं लानानै रजखान्थि खालामनो नाजादों। नाथाय आक्रासुआ बेबादि राजखान्थि मुलाम्फानि थाखाय आफादनि मुं लानानै दैदेनगिरिफोरनि खामानि मावनायनि सायाव सहायनानै थानाय नड होन्नानैबो अजद होयो। आक्रासुनि आफादगिरि अरुन कुमार रयआ फोरमायनाय बादिब्ला, आक्रासुनि मिरु आफादआ आक्रासुनि मेल जधुमानै थांखि लानायनि गेजेरजों गिकुल बर्मनखौ थानाय 22 जधुमानै थांखि लानायनि गाहाय नेहाथारि बिबाननिफ्राय हगारदोंमोन। एरैहाय आक्रासुआ कच राजबंशि हारिनो एसटि मर्याद आरो आलादा कम्तापुर राइज्यो होवागौमानि सरकारनि हेंथायै सोमावसारनायखौ लांबाय थागोन होन्नानैबो सांग्र्थि होयो।

## एन आर सिनि बायमेट्रिकनि मुडव लाख लाख सुबुंफोरा आधार कार्ड मोन्नायनिफ्राय जानगाराव थाबोनांदों

सुबुंफोरनो बे मोन्थायखौ होनायखौ गौथ्रुमआ आबुं मदद होनायजों लोगोसे हामब्लायथि बाउहरदों। नाथाय नोजोर होनो गोनां बाश्रादि आसामाव गोलाव समनिफ्रायनो जिउ खंबोनाय हिन्दु बेंगलीफोरनि इयुना मा जागोन ? अराय सम हिन्दुनि फासैं जानानै खोथा बुंभोनाय बि जे पि दोलोनो थानाय बिसायख 'थियाव हिन्दु बेंगलीफोरा 90 जौखोन्दोनिबो बांसिन भटारफोरनि भट होबोदोब्लाबो थि फोरमानलाइ थानायनि उनावबो हिन्दु बेंगलीफोरा गुबुनारिनि मुडव गुबुन गुबुन रोखोमनि जेंनाफोरजों मोगा-मोगि जाबोनांदों। बिसायख 'थिनि सिगां समाव जेंनाखौ बोझानायनि खोथा होनाय बि जे पि दैदेनाय आसाम सरकारा बेसेबां गोबावसिम बेंगलीफोरखौ थगायबोबावगोन। एन आर सिनि समाव रंशुबे फोरमानलाइ थानायनि उनावबो लाख लाख हिन्दु बेंगलीफोरनि बायमेट्रिक लानाय जादोंमोन। नाथाय दुखुनांथाव बाश्रादि बे एन आर सिनि बायमेट्रिकनि मुडव सुबुंफोरखौ आधार कार्डनिफ्राय जानगाराव दोनबोनाय जादों। जायनि थाखाय सरासमन्ना राइजो-राजाफोरा बे समाव गुबुन गुबुन जेंनाफोरजों मोगा-मोगि जाबोनांदों। खम बेसेननि ग 'लादारनि फासैंनिफ्रायबो थाबैनो आधार कार्डखौ ज 'मा दोनो बुंनाय जादों। नडब्ला सरकारि रेसननिफ्रायबो बायगिरिफोरा जानगाराव थानांगोन। लोगोसे आधार कार्ड गैयाब्ला बेंकआव गोदान एकाउन्ट बेखेवनायखौ लाफानानै बेंकनि के वाइ सि आबुं जाया होन्नानै बुंनाय जादों। बे बिथिडव बैसोर भुगिनांनय सुबुंफोरनि इयुना मा जागोन होन्नानै दैदेनगिरिफोरा सोंथि सोडे। सरकारा बे जेंनाफोरखौ सुझानायनि खोथा होनायनि उनावबो दिनेंसिम बे बिथिडव जेबो थांखि लायैया दुखुनांथाव। थाबैनो बे बिथिडव राहाफारि लानो सरकारनिंसिम गौथ्रुमआ दाबि दैखांदों। आसामाव जिउ खंबोनाय गासैबो हारि-माहारिनि बागै सानग्रा गिबि मन्थ्रि ड॰ हिमन्त बिश्व शर्माखौ हिन्दु बेंगलीनि जेंनाफोरखौ सुझानायाव गोनांथि होनो थाखाय गौथ्रुमआ खवलायहरो।

## आसामनि हेन्डलुम टेक्सटाइल आरो सेरिकाल्सार बिफानआ माहारियारि हेन्डलुम सान फालिदों

बाहागो लानानै बिफाननि गोजौ थाखोनि मावख 'गिरिफोरजों राइज्योनि दानाय-लुनाय आरो इसालसालि खोन्दोखौ सिगांफासैं जौगाखांहोनांगौनि सायाव गुवारै सावरयलायनाय जायो। मेलाव मन्थ्रि उर्खाव गोर ब्रह्मआ माहारियारि हेन्डलुम साननि लोब्लायै गावनि बिबुंथियाव बुडेदि, हादरनि गाहाय मन्थ्रि नरेन्द्र मदिआ थानाय 2015 माइथायाव हादरनि उदास्त्रि बिग्रायारिफोरनो मान बाउनो थाखाय स्वदेशि जांखिथाय आरो हादरनि समाजयारि-रोंखान्थियारि जौगाखांहोनायाव बिहोमा होबोनो हानाय जि दागिरिफोर आरो आबादारिफोरनो मान होबोदों। मिरु सरकारआ दानाय-लुनाय खोन्देआव गोनांथि होनाय बादि्यै आसामावबो दानाय-लुनायनि हारिमुखौ जौगाखांहोनाय आरो राइज्योआव दिहुन्नाय जि-जोमफोरखौ गुबुन माहारियारि हाथाइफोराय दैथायहरनायनि थाखाय उरां जाहाज, रेलवे बायदि फोनांजाब राहा जगायनानै होनायनि रहा लागोन। लोगोसे राइज्योआव दानाय-लुनाय हारिमुखौ जौगाहोनायजों लोगोसे रोंखान्थियारि बिथिडव जौगाहोनायनि थाखाय बांसिने फालांगियारि रहा होनायनि सायाव सरकारआ गोनांथि होनानै खामानि मावदों। माजुलि आरो डिब्रुगड जिल्लायवाव हेन्डलुम मडेल भिलेजफोर फसंखांबाय आरो फैगौ समाव बांसिने हेन्डलुमनि मडेल भिलेज फसंनो सरकारआ थांखि लागोन। जि दाग्रा एवा मुग्रा दिहुनग्राफोरनो सरकारआ गिबियै रेहायारि अन्सुंथाय होनायनि थांखिखौबो सरकारआ लादों होनानै मन्थ्रि इउजि ब्रह्मआ फोरमायबावो। दिनेनै बे हाबाफारिआव हेन्डलुम टेक्सटाइल आरो सेरिकाल्सार बिफाननि कमिसनार आरो नेहाथारि मनालिसा गरवामी, सेरिकाल्सार बिफाननि बिधोनगिरि काजरि राजखवा, आइआइटि गुवाहाटीनि डिएन प्रफेसर उतपल बराजों लोगोसे गुबुन गोबां गोजौ थाखोनि मावख 'गिरिफोरबो दंफायोमोन।

## टकिय अलिम्पिकआव भारतनि थाखाय सना मेडेल देरहाबाय निराज चप्राआ

गोगानाय लाबोनो हाबोयो। टकिय अलिम्पिकनि हावाफोरनि जेभर्लन खुबेनाय बादायलायनायनि फाइनालाव 87.58 मिटर खुबैनानै सना मेडेलखौ आवग्रिनो हादों निराज चप्राया। अभिनाब बिन्द्रानि उनाव निराज चप्राया अलिम्पिक गेम्सआव हासिंडै सना मेडेल देरहानो हानाय हादरनि नैथि गेलेगिरि जानो हादों। अलिम्पिक जारिमिनआव निराज चप्राया भारतनो 10 थि सना मेडेल होनो हाबाय। भारतआ अलिम्पिकआव मोन 8 सना मेडेलखौ हावो हकी हान्जाया देरहानो हादोंमोन। एरैहाय शुटर अभिनाब बिन्द्राया हासिंडै बादायलायनायाव भारतनो गिबि सना मेडेलखौ होनो हानायनि उनाव चप्राया हादरनो नैथि सना मेडेल होनो हादों। मख 'नाय जायोदि, निराज चप्राया गावनि गोब्राब नाजानाय आरो गोख्रोडै गेलेनायनि गेजेरजों गोबांथार बादायलायनायफोराव देरहानानै हादरनि गेलेमु बिथिडव बिहोमा होबोनो हानाय हिसाबै 2018 माइथायाव अर्जुन बान्था मोन्नो हाखांबाय।

## खुंजानो गोनां उफ्रा बिसायख 'थिनि थाखाय गसाइगाव जिल्ला माइन रिटि इउपिपिएलनि

बिसायख 'थिखौ लानानै दासान्दि गुबुन गुबुन दोलोफोरा साखा-फारा जानायबादिनो गसाइगाव बियाबनि थाखाय साखा-फारा जादों इउपिपिएल दोलोआबो। खुंजानो गोनां गसाइगाव बिधान सभा बियाबनि उफ्रा बिसायख 'थिखौ नोजोर होनानै दिने गसाइगाव जिल्ला इउपिपिएलनि माइनरिटि सेलनि मोनसे सावरय मेलआ जालाडे। गसाइगाव जिल्ला माइनरिटि इउपिपिएलनि बान्जायनायव गसाइगाव महकुमानि सिडव थानाय बम्ब्राबिल कमिउरनिटि हलआव खुंफुंनाय बे सावरय मेलआव दोलोनि दैदेनगिरि सोद्रोमा आरो मावथिफोरखौ लानानै खुंजानो गोनां उफ्रा बिधान सभा बिसायख 'थिनि थाखाय साखा-फारा जानायनि सायाव सावरयलायनाय जायो।

गसाइगाव जिल्ला माइन 'रिटि सेलनि आफादगिरि आइनाल हकनि आफादगिरि मासि लानानै दैदेन्नाय बे मेलाव गाहाय आलासि महरै बाहागो लादों मिरु इउपिपिएल माइनरिटि सेलनि आफादगिरि साहेब खान आरो नेहाथारि नुर हासान आन्स्रारिआ। लोगोसे बे मेलआव गसाइगाव महकुमानि सिडव थानाय माइन 'रिटि इउपिपिएलनि गोबां दैदेनगिरि सोद्रोमा आरो मावथिफोराबो बाहागो लादोंमोन। बे सावरयनायनि गेजेरजों मिरु इउपिपिएल माइन 'रिटि सेल आफादगिरि साहेब खानआ बुंथियोदि, खुंजानो गोनां उफ्रा बिधान सभा बिसायख 'थियाव बिटिआरनि मोननै बियाबआव इउपिपिएल दोलोनिफ्रायनो बिजाथि होनाय जागोन। बेनिखायनो गसाइगाव बियाबआव इउपिपिएलआ देरहासार जालांगौनि थाखाय गोखों खामानि मावनांगौ आरो साखा-फारा जानायनि सायाव दिने बे मेलआव खुंनाय जादों। गसाइगाव बियाबआव माइनरिटिनि सुबुं अन्जिमाया बांसिने दड। बेनिखायनो माइनरिटि हारिनि सुबुंफोरखौ लानानै खुंजानो गोनां उफ्रा बिसायख 'थिनि थाखाय सावरयनाय जादों। गसाइगाव बियाबआव खुंजानो गोनां उफ्रा बिसायख 'थियाव गासैबो माइन 'रिटि सुबुंफोरा इउपिपिएल दोलोनो भट होगोन आरो इउपिपिएलनि बिजाथिआनो देरहानाया रोखा होन्नानै बुंथिबावो।

## एन एन ब्रह्म जुनियर कलेजनि गोजाम आफादखौ सिफायनानै गोदान गभार्नि बडि

मावफुं सोद्रोमा उखिल मोसाहारिनि नुजाथिनायाव दिने गोदान गभार्नि बडि आफादखौ दानानै लानाय जायो। बे एनएन ब्रह्म जुनियर कलेजनि गोदान गभार्नि बडि आफादगिरि महरै मावफुं सोद्रोमा उखिल मोसाहारिखौ सायख 'नाय जायो आरो नेहाथारि महरै इसान बसुमतारिखौ सायख 'नानै मोनसे गोखों आफादखौ दानाय जायो। मख 'नाय जायोदि, थानाय 2005 माइथायाव गायसनजानाय कसुगावनि बे एनएन ब्रह्म कलेजआ दिनेंसिम सरकारि खालामजायैआव गोबां जेंना-जेंसिनि गेजेरजों सोलिबोदों। सरकारि खालामजायैनि जाहोनाव फरयसाफोरनो नांगौ रोखोमनि खाबु होनो हायै आरो फोरोंगिरिफोरनो थोजासे दान बान्था होनो हायैनि गेजेरजोंब्लाबो बे कलेजआ खुनुरुखुमै सोलिबोगासिनो। एरैहाय बिटिआरनि मावफुं सोद्रोमा उखिल मोसाहारिआ बे कलेजनि गासै जेंना आरो बाश्राफोरखौ मिथिनानै एवा बुजिनानै फेबाय थानाय समफोराव बे फरयसालिमाखौ फोथानानै लाखिनो आरो जौगाखांहोनो थाखाय हानायसेबां हेफाजाव खालामगोन होन्नानै खोथा होयो। दिनेनै बे गोदान गभार्नि बडि दाफुंनाय हाबाफारिआव कसुगाव दख 'रा दुलाराय बर ' फरयसा आफाद, सान्ताली फरायसा आफाद आरो ओन्सोलनि गोबां मेलेमजिबि सानसुमैफोरनि बाहागो लानाय आरो हेफाजाव होनायनि गेजेरजों जोबलाडे।





# अमिताभ बच्चनखौ माखासे बोसोरनिफ्रायनो मोनसे लुकआव नुनो मोन्दों

गोदान दिल्ली, 7 आगस्ट: अमिताभ बच्चनखौ माखासे बोसोरनिफ्राय मोनसे रोखोमनिनो लुकआव नुनो मोनो। बिग बीनि बे लुकआ गार्से 20 बोसोर बारबाय, नाथाय बियो बेखौ दिनेसिमबो सोलायाखै। बुनाय बायदिल्ला अमिताभ बच्चननि थाखाय बेयो लाकी, बेनिखायनो सोलायाखै मानोना कौन बनेगा करडुपति श्व'आव बिग बीखौ गिबि बाहागोआव बेबायदि लुकआवनो नुनो मोन्दोंमोन आरो बे श्व'आ बिनि जिउखौ मोजाडाव लाबोदोंमोन।



नाथाय नंगुबैया गुबुनसो। बिग बीनि फ्रेन्च काट दारिनि उनि जाहोनाव डायरेक्टर अमप्रकाश

मेहेराया दड। बियो गावनि बायग्र।फीआव बेखौ फोरमायदोंबो।

रकेशनि जिउ खौरां स्टेन्जर इन दा मिररआ रिलीस जाखां बाय आरो आथिखालयाव बियो सशेल मिडियानि गेजेरजों बेनि फिसा फिसा बाथाफोरखौ भिडियफोरनि गेजेरजों हरदों। बे भिडियफोराव बे फिसा फिसा खौरांफोरखौ लिरदों। बे भिडियआव अमिताभ बच्चननि फारसे फोरमायनाय जादोंदि गावनि

सावथुन अक्सनि थाखाय आनि लुकखौ बिनो डिजाइन खालामदोंमोन। आं बै समनिफ्राय बेखौ बोखारखै। बे भिडियजों लोगोसे रकेशआ लिरदों। मा सोरबा गिदिर डेब्यु डायरेक्टरआ गिदिर पर्दायाव बेनिफ्राय बांसिन लीजेन्डी जागायनायखौ आसा खालामनो हायो नामा? साबायखर अमिताभ बच्चन। अमिताभआ उनाव माब्लाबाबो

रियेल लाइफयाव गावनि लुकखौ सोलायाखै। आथिखालआव सावथुनफोराव अमिताभनि लुकआ थारैनो सोलायबाय थारों, नाथाय फ्रेन्स बियर्डनि अनगायै बिखौ माब्लाबाबो नुवाखै।

मख'नो गोनांदि, अक्सआ 2001 आव रिलीस जादोंमोन आरो एड सावथुन मेकार रकेश अमप्रकाश मेहेयया बिजों लोगोसे सावथुनफोराव गावनि बिथोन होनायखौ फारियै जागायदोंमोन। सावथुनआव मनज बाजपेयी, रबीना टन्डन आरो नन्दिता दासआ गाहाय फाव खालामदोंमोन। बे यो सुपारनेचुरेल एकसन थ्रिलर सावथुनमोन। अक्सआ आथिखालयाव हिन्दी सावथुननि कल्ट क्लासिक सावथुनफोराव दंफादेरो। रकेशआ बेनि अनगायै भाग मिल्खा भाग आरो दिल्ली 6 जों सोमोन्दो गोनां माखासे मख'जाथाव बाथा फोरखौ शोयार खालामदों।

## अक्षय कुमारनि 'मरजावां'खौ खावनायनि दाय जाबसिन्दों

गोदान दिल्ली, 7 आगस्ट: अक्षय कुमारनि मस्ट वान्टेड सावथुन बेलबटमनि गोदान देखो 'मरजावां' आ शुक्रबारआव रिलीस जाबाय। देखोयाव अक्षय कुमार आरो वाणी कापुरनि दोहों गोनां केमेस्ट्रीखौ नुनो मोन्दों। रमान्सजों बुंफबनाय बे देखोखौ सुबुंफोरा गोबां मोजां मोन्दों। सावथुनआव बारग गाहाय मन्थि रंसारि जानाय इन्दिर गान्धीनि लुकनि जाहोनाव लार दत्तआ सिगाडवो खौरडव थादों। फारसेथिं आथिखालयाव बे सावथुनआव सिखाव



खावनायनिबो दाय जाबसिन्दों। बलीउड सावथुनफोराव गुबुनफोरनियाव कपी खालामनायनि दायजाबसिनबाय थायो। सोरनावबा सावथुननि सल'खौ खावनायनि दाय दडल्ला सोरनावबा देखोनि सुरखौ खावनायनि दाय दड। बेबायदियाव बे खेबयाव अक्षय कुमार आरो वाणी कापुरनि सावथुन बेल बटमनि देखो 'मरजावां' आव आइडिशन खावनायनि दाय जाबसिन्दों। मख'नो गोनांदि, थानाय सानफोराव गोबां खेब पस्टपन जानायनि उनाव 19 आगस्टआव अक्षय कुमारनि सावथुन बेल बटमखौ रिलीसनि थाखाय थियारि खालामदों। बेबायदियाव सावथुननि देखो मरजावांआ शुक्रबारआव रिलीस जादों। देखोनि रिलीसनि सिगां मेकासआ बेनि पस्टारखौ रिलीस खालामदों। मरजावांआ मोनसे रमान्क देखो जायखौ नायगिरिफोरा गोबां मोजां मोन्दों। बे देखोआ बायजोयाव फैनाय लोगो-लोगोनां भाइरेल जादों। आथिखालआव माखासे सशेल मिडिया इजजारफोरा एरेबायदि दाबि दैखोंदोंदि, बे मोनसे ट्रेल इन्फ्लुएन्सरनि सावगारिनि कपी। मरजावांनि पस्टारखौ नुनाय लोगो लोगोनां सुबुंफोरा बेखौ खावनायनि आइडिया फोरमायदों। माखासे सशेल मिडिया इजजारफोरा सावथुननि पस्टारखौ टूलबो खालामदों।

## बिग बस अटीटीआव मुंदांखा फावखुंग्रि रिद्धिमाया एन्ट्री जासिगोन

गोदान दिल्ली, 7 आगस्ट: बिग बस अटीटीआ जागायनायनि सिगां दोहों गोनां बाथाया सोमजिदों। श्व'नि डिजिटेल बार्जनखौ सावथुन मेकार करण जौहरआ हस्ट खालामगोन। उनाव जेब्ला टिभिआव बेखौ फोसावदिं खालामगोन अब्ला सलमान खानआनो हस्ट खालामगोन। दासिमबो मेकासआ माखासे बादायारिफोरखौ फोरमायाखै। नेहा भसीन, करण नाथ, रकेश बापटजों लोगोसे आरोबाव सासेनि मुड गनायथि होदों। थानाय माखासे साननिफ्राय टिभिनि बे फावखुंग्रिनि मुडव खौराडाव थादोंमोन। आथिखालआव गिबि खेब फावखुंग्रिनि रिद्धिमा पन्डितआ 'बिग बस अटीटी'आव बाहागो लाखिगोन। मेकासनि फारसे जाय भिडियखौ रिलीस खालामदों बेवहाय रिद्धिमानि फुरा महरखौ दिन्थिनाय जायाखै नाथाय बिनि फेन्सफोरा भिडियआव सिनायनो सम



नांनय नड। रिद्धिमाखौ टिभिनि क्वीन मुंजों इन्ट्रिडिस खालामनाय जायो। रिद्धिमा पन्डितआ भिडियआव बुडो 'बिग बस अटीटी'नि उन्नारजों रैखाथियै था। बियो बुंबावो नों आंखो थारैनो मोजां मोनगोन। 31 बोसोर बैसोनि रिद्धिमाया टिभिनि मुंदांखा फावखुंग्रि। बियो सीरियाल 'बहु हमारी रजनी कान्त' जों डेब्यु खालामदोंमोन। गावनि परफर्मन्सजों रिद्धिमाया लाख-लाख सुबुंफोरनि गोसोखौ देरहोदों। रिद्धिमाया स्पन्ट बेस्ट रियेलिटी श्व' खतरों के खिलाडी 9 निबो बाहागो जादोंमोन। बे श्व'आव बियो गावनि गेलेनायजों गोहोम खोखलैनायाव जाफु'सारनो हादोंमोन। बै समाव एरेबायदि खौरांफोरा फैदोंमोनदि, रिद्धिमाया श्व'नि सासे गुबुन बादायारि शमिता शेटीजों सेटआव नांलायदोंमोन। उनाव बियो बेखौ गनायाखैमोन आरो बुंदांमोनदि, साफ्रामजोंबो गावनि रिलेशनआ गोबां मोजांमोन। बे बोसोरावनो रिद्धिमानि बिमाया कभिड-19 जों रंसारि जाबाय। बियो गावनि बिमाखौ गोसो खानाने भिडिय आरो सावगारिफोरखौ शोयार खालामबाय थायो।

## हानी सिंआ गावनि सिरि थानायखौ सिफायदों

गोदान दिल्ली, 7 आगस्ट : देखोगिरि आरो रेपार य' य' हानी सिंआ थानाय माखासे साननिफ्राय गावनि बिसि शालिनी तलवारजों लोगोसे दावराव दावसिनि जाहोनाव खौराडाव साग्लोबसारनानै थादों। बिसि शालिनीआ हानी सिं आरो बिनि नख'रनि सायाव माखासे गोथी दाय जाबसिन्दों। बेबायदियाव आथिखालआव गिबि खेब हानी सिंआ बे दाय जाबसिन्नायनि सायाव गावनि सिरि थानायखौ सिफायनानै गावनि मावख'आरि बिबुंथिखौ ससियेल मिडियाआव सेया खालामदों। गावनि पस्टआव



हानी सिंआ लिरदों 20 बोसोरनि आनि लोगो बिसि श्रीमती शालीनि तलवारनि गेजेरजों आनि सायाव आरो आनि नख'रनि सायाव लागायनाय नंखाय आरो खाफाल गैयै दाय

जाबसिन्नायजों आं गोबां दुखु जादों आरो गोसो बायदों। दाय जाबसिन्नाया गोथी महरै लाजिनांथाव। आनि देखोखो सावरायनाय, आनि देहानि सायाव बाथा बानसावनाय आरो निगेटिभ मिडिया कभारेजनि जाहोनावबो आं माब्लाबाबो समाजयारि बिबुंथि एवा प्रेसन्ट खौ फोसावाखै। हानी सिंआ गावनि बिबुंथिआव लिरबावदों आथिखालआव बे खेबआव आं बे केसआव सिरि थानो गोसो जायाखै मानोना माखासे दायफोरखौ आनि नख'रनि सुबुंफोर, आनि

बोराय बुरि बिमा-बिफा आरो उन्दै बिनानावनि सायाव जाबसिन्दों। जाय जेना गोनां समाव आंजों लोगोसे गसफादों। आं बे इन्डास्ट्रिजों 15 बोसोरनिफ्राय बांसिन समनिफ्राय सरजाबफादों आरो हादतनाडैनि फावगिरिफोर आरो देखोगिरिफोर जों लोगोसे हाबाफारि मावदों। आनि बिसिजों लोगोसे आनि सोमोन्दखौ बयबो मोनथिगो, जाय 10 बोसोरनिफ्रायनो बांसिन समनिफ्राय आनि कुनि फावगिरि महरै बाहागो लादों आरो अरायसम आंजों लोगोसे सुटि, इमेन्टफोर आरो

मिटिं फोराव थादों। बेनि उनाव हानी सिंआ लिरबावो। आं गासिबो दायफोरखौ आबुडै सोखारियो नाथाय उनाव जेबो बिबुंथिखौ होनाय नंला मानोना केसआ बिजिरसालिनि सिगाडाव बिजिरनाय। आं बे हादतनि बिजिरनायनि बेबस्थानि सायाव आबुडै फोथायनाय दड आरो आं फोथायोदि नंगुबैया थाबैनो सोराडाव फैगोन। केसआ कर्टआव दड आरो मानगोनां बिजिरसालिया आंनो बे बायदि दाय जाबसिन्नायनि फिन्नाय होनो खाबुखौ होदों।

# गाहाम देहानि राहा

## समायना महर मोनो थाखाय करेलानि फेस पेकखौ बाहायनो हागोन

गोदान दिल्ली, 6 आगस्ट: करेलाया रोखोमसे एरेबायदि थाइंग जायखौ बांसिन सुबुंफोरनो मोजां मोना। नाथाय करेलाया मोखांनि थाखाय एरेबायदि जादु गोनां टनिक, जाय नोंथांखौ माखासे बोसोरसिम लाइमोन खालामनानै लाखिनो हागौ आरो बेयाव करेलानि जुस लॉनायनिबो गोनांथि गैया। अदेबानि जोंखोल आरो लाइमोन स्किन मोनो थाखाय करेलाखौ एरेबायदियै बाहायनो हागोन।



इनफेक्सननिफ्राय रैखा मोनो हागोन। 2. मोखांनि थाखाय करेला फेस पेक खालामनो थाखाय बयनिखुइ सिगाडाव थाइसे करेला लाना बेखौ दैयाव रुनांगो। जेब्ला बेयो गुरे जायो अब्ला बेखौ बाइजोयाव दिहुनानै गुसु खालामनांगो। बेनि उनाव बेगरखौ दिहुन्ना करेलाखौ मिक्साराव उननानै पेस्ट बानायनांगो। बे पेस्टखौ मोखां आरो गोदोनायाव फुन्नानै रानायनि उनाव सरसनन्ना दैजों सुनांगो। बेखौ सफायाव खेबसे

बाहायनो हागोन। 3. सिथर, स्किन इनफेक्सन बायदि बिगुरजों सोमोन्दो गोनां जेनाफोरा थै गात्रि जानायजों जायो। बेरा फारसे करेलायाव थानाय ब्लाड प्युरिफाइ गुणआ थैखौ साफा खालामनानै सिथर, दाग-दागो बायदिखो जानार खालामनानै ग्लड फेस होयो। करेलानि जुस लॉनायनि सोलायै बेखौ मोखाडव फुननो हागोन। (नट: बेयाव होनाय खौरांखौ आजावना लानायनि सिगां डक्टरनि बोसोन लागो)।

## लिएन्डर पेस आरो किम शर्माया एफेयारनि खौरांफोरनि गेजेराव मुम्बाइनि देहा फाहामसालियाव स्पट जादों

गोदान दिल्ली, 7 आगस्ट : बलिउड सुपारहित सावथुन 'महाब्बाते' नि मुंदांखा फावखुंग्रि किम शर्माया आ आथिखालाव मुंदांखा टेनिस गेलेगिरि लिएन्डर पेसजों लोगोसे एफेयारनि खौरांखौ लानानै गोबां खौराडाव थादों। बिसोर सानैनि माखासे सावगारिफोर आरो भिडियफोरा लाथ्रिये ससियेल मिडियाआव भाइरेल जादों। फारसेथिं थानाय सानफोराव किम आरो लिएन्डर पेसखौ गवायाव लोगोसे स्पट खालामनाय जादोंमोन। बेनि उनाव बावैसो समाव मुम्बाइयाव बिसोरखौ लोगोसे नुनो मोन्दों। फारसेथिं आथिखालाव बिसो सानैनि आरोबाव मोनसे भिडियआ सोराडाव फैदों जायखौ नुनानै बिनि फेन्सफोरा जिंगा सिनो हागौ। किम आरो लिएन्डर पेसआ लोगोसेयै मुम्बाइनि देहा



फाहामसालियाव स्पट खालाम जादों। बे भिडियआ सोराडाव फैनायनि उनाव फेन्सफोरा बायदि रोखोमनि आसा खालामदों। टेनिस गेलेगिरि लिएन्डर पेस आरो किम शर्मानि देहा फाहामसालियाव स्पट जानाय भिडियखौ बलिउडनि मुंदांखा पेपाराजी बिरल भयानीआ गावनि इन्सटग्राम एकाउन्टआव सेयार खालामदों। बे भिडियआव नुनो मोन्दोंदि,

लिएन्डर आरो किमआ मुम्बाइनि लीलावती देहा फाहामसालियाव थानानै स्पट खालाम जादों। मख'नो गोनांदि, किमआ गावनि बिमाजों लोगो देहा फाहामसालियाव सौहैदों। भिडियआव गिबियाव किम आरो लिएन्डरआ ओंखारो आरो उनाव बिनि बिमाया बायजोआव फैयो। फारसेथिं किमखौ गावनि बिमाखौ सामलायनाय नुनो मोनो। बे समाव बिसोर सानैखौबो गोबां केजुएल लुकआव नुनो मोन्दों। बे भिडियआव ससियेल मिडियाआव गोगलैयै भाइरेल जादों। भिडियआव नुनो मोनबावदोंदि, फट'ग्राफारफोरा खनले खनले किमखौ गाबजिदों। नाथाय बियो खनसेबो रिस्पन्ड होवाखै। बे बाथाखौ लानानै फेन्सफोरखौ गोबां रागा जॉनाय नुनो मोन्दों। सासे इजजार आ कमेन्ट खालामनानै लिरदों गाबजिनायाव बेसेनबो होयाखै, गोबां अहंखार। मख'नो गोनांदि, बावैसो समाव किम आरो लिएन्डर पेसखौ मुम्बाइनि लामायाव लोगोसे आखाय हनानै वाक खालामनाय नुनो मोन्दोंमोन।


## भास्कर ग्रुपआ भारतीय आइजो हकी टीमो 25 लाख रॉनि बास्था होगोन

भुपाल, 7 आगस्ट : गावनि नाजानायनि गोहोजों साफ्रामबोभारतीयनि गोसोआव जायगा आवग्रिनो हानाय भारतीय आइजो हकी टीमनि सायाव हादतआ गौरबखौ मोन्दोथिदों। हादतआ हकीनि गोदान मुगाखौ गायसन्नाय भारतीय आइजो हकी टीमनो भास्कर ग्रुपआ 25 लाख रॉनि बास्था होगोन। बे रॉनिफ्राय भारतीय आइजो हकी टीमनि सा 18 गेलेगिरिफोरा, गाहाय कच, एनालिटिकेल कच, साइन्टिफिक एडभाइजर, फिजियथेरेपिस्ट, बिडिय एनालिस्ट आरो मसाजारजों लोगोसे साफ्रामबो सोद्रोमाफोरनो 1-1 लाख रॉ होनाय जागोन। आइजो हकी टीमआ जोबथा समसिम जेन्नायखौ गनायआ लासे मोजाडै गेलेनाने दिन्थिफुदों आरो आइजोफोरनि गोहोखो दिन्थिदों। साफ्रामबो भारतीयफोरनि मेगनआव देरहानायनि मिजिक दं। दैनिक ग्रुपआ हमदांन लादोंदि, भारतीयफोरा मेचखौ थुलुगांखां होनायजों गेलेगिरिफोरनि गोसोनि बोलोआ बांगोन। बेजों बिसोरो इयुनाव मोजाडै गेलेनाने दिन्थिफुनो हागोन।



# बारग' गाहाय मन्त्रि नवाज शरीफ आ देहानि थासारिया फुरा मोजां जायाब्ला हादत आव फैफिन्नाय नडा : शहबाज शरीफ

इस्लामाबाद, 7 आगस्ट : पाकिस्तान मुस्लिम लीग नवाज (पिएमएलएन) नि आफ्तादगिरि शहबाज शरीफ आ बारग' गाहाय मन्त्रि नवाज शरीफनि देहाया फुरा मोजां जायागौमानि बिनि ब्रिटेननि फ्राय हादत आव फैनायखौ नेवसिगारदों। नवाज शरीफनि गावनि भिजायाव गुवारै खौरां आर 'ज गावनायखौ ब्रिटेन सरकारा नेवसिगारनायनि माखासे सान उनाव शहबाज शरीफनि बे बिबुंथि होनाया सोरां आव फैदों। खौरांनि बादिब्ला, नवाजनि 6 दाननि भिजाया जोबबायमोन। जायनि



उनाव बियो इउकेनि नख'र खौरां मिथिहोनो मावख'नियाव सावप्रिनि सायाव खवलायदोंमोन। अदेबानि बिथा खालामनानै गावनो गुवार इमिग्रेशन बिफानाबे आर 'ज

गावनायखौ नेवसिगारो। शुरुबारवाव फोसावनाय मोनसे फिन्नायाव नेसेनेल एसेमब्लिआ बरेखा दोलोनि दैदेनगिरि शहबाज आ बुडोदि इमरान खाननि सरकारा सरकारि मेडिकेल बर्डनि रिपर्टनि सायाव बिथा खालामनानै नवाज शरीफनो फाहामनायनि थाखाय पाकिस्तान नागारनो एबा गुबुन हादत आव फाहामथाय लाहैनो गनायथि होदोंमोन। खेवथाम बारग' गाहाय मन्त्रिनि सवप्रिनि सायाव राजखान्थि खालामनाया गनायथाव नडा। नवाज शरीफनि बिदाया हादत आव फैफिन्नायनि उनाव शहबाज आ बुदों, गावनि देहाया फुरायै मोजां जायोब्लासो नवाज शरीफ आ पाकिस्तान आव फैफिन्नायनि आर लन्डननि डाक्टर आ जेब्ला बेखौ दावबायनो थाबाय गनायथि होगोन अब्लासो बियो हादत आव फैफिन्नायनि भिजानि सोमोन्दो आव आर 'ज गावनायनि सायाव थांखि लायागौमानि बियो इउकेयावनो

आयेन बादियै थानो हागोन। मख'जाथावदि, फिन्नाय होग्रा बिजिदसालिनि बिजितगिरि महम्मद अरशद मालिक आ नवाजखौ एएस एमएल आर एच एमइनि केस आव दायनिगिरि गनायथिदोंमोन आर बिखौ 7 बोसोरनि साजा खोनासहोदोंमोन आर 1.5 आरब रं'आर 25 मिलियन आमेरिका डलार जुरिमाना फोनादोंमोन। 2019 आव नवाजखौ डाक्टरफोर गोब्राब बिखानि बेराम आर इम्युनिटि सिस्टेमनि जेनाजों भुगिनायनि बाथाखौ फोरमायदोंमोन। बेनि उनाव आइएचिसिनि सानै सोद्रोमानि पीठ आ बिनि साजाखौ दोन्थ'दोंमोन। रिपर्टनि बादिब्ला जास्टिस आमिर फारुक आर जास्टिस महसिन अखर कयानीआ मेडिकेलनि सायाव बिथा खालामनानै 8 सप्ताहनि थाखाय साजाखौ दोन्थ'दोंमोन। गनायथि मोन्नायनि उनाव 2019 नि नभेम्बरनि फ्रायनो नवाज आ लन्डन आव थाहैदों।

मानागुआ, 7 आगस्ट: गेजेर आमेरिकानि निकारागुआ हादतनि बिबानगिरिनि सायाव आमेरिकाया गोखों नायबिजिर्दों। आमेरिकाया बेनि सा 50 बिबानगिरिफोरनि नख'फोरनि भिजाखौ होबथाना दोन्दों। मख'जाथावदि, बिसोर बिबानगिरिफोरा हादतगिरि डेनिनेल अर्टेगाजों खाथि सोमोन्दो गोनो। आमेरिकानि गुबुन हादतारि मावख'नि फारसेनि फ्राय बे खौरांखौ मिथिहोदों। बिसोरनि गेजेराव एम पि, प्रसिक्वुट आर जाजबो दडा। निकारागुआयाव थांनाय नै दान आव पुलिस आ सा 20 बरेखा दोलोनि दैदेनगिरिफोर आर माखासे बिजाथिफोरखौ हददों, जायफोरा हादतगिरि डेनिनेल अर्टेगाखौ 7 नभेम्बर आव जानो गोनो बिसायख'थियाव सेलेन्स होनो हागौ। सोलिफु दानाव इउआबो निकारागुआनि पारस लेडी एबा गिबि आइजो आर लेइइ हादतगिरि रसरिअ मुस्लिम आर सा 7 गुबुन गागि बिबानगिरिफोरनि सायाव सुबुं



मोन्थायनि आयेन बरेखा खालामनाय आर सुबुंतन्नि बरेखायै थांखि लानायनि थाखाय होबथानादोंमोन। बे होबथानायनि गेजेरजों बिसोर बयनिबो इउरप आव दावबायनाय आर सम्प्रिखौ होबथानाय जादों। 175 बोसोर बेसोनि अर्टेगानि दाय जाबसिन्नाय बादिब्ला, हादत आव 2018 नि एप्रिल दान आव गोखों धर्ना होनायाव गुबुन हादत आरिनि हेफादाव दडमोन आर बिसोरनि थांखिया खुं थायखौ सोलाय होनायमोन। अर्टेगाया लांथ्रियैनो ब्रैथि खेबनि थाखाय बिसायख'थि बादायगोन। नायबिजिर्नयायनि गेजेरजों

हमनाय बांसिन सुबुंफोरखौ सोद जायगाफोराव दोन्नाय जादों आर उकिलफोरबो बैयाव सौहैनो हाया। सोलिफु सप्ताहायव बरेखा दोलोनि लेइइ हादतगिरि बिजाथिखौबो सरकारा नोजोर बन्द खालामना लाखिदों। आमेरिकानि गुबुन हादतयारिनि बिफान आ फोरमायदोंदि, अर्गेगा आर लेइइ हादतगिरि मुस्लिमनि हाबाफारि मावनायजों रोखा जादोंदि, निकारागुआनि नोगोरारिफोरनि हेफाजाबजों देरहाया जायथि जाया सुबुइ बिबोरजों जेना दडा एबा गिनांगौ दडा।

## टकिय' आव ट्रेन आव सासे गाग्लोबग्राया सा 10 सुबुंफोरखौ दाबा सुरिजों गाग्लोबो, सानैनि थासारिया गोब्राब




बिबानगिरिफोरा फोरमायनाय बायदिब्ला, जोखोम जानाय गासै सुबुंफोरा हुसयावनो दडमोन। आथिखालयाव जाथाय जानाय जायगायाव पुलिस आर गुबुन नाइबिजिर्ग्रा एजेन्सिफोरनि माखासे हानजाया दडा। बे जाथायनि सासे साखिआ फोरमायोदि, गाग्लोबनायनि उनाव ट्रेन आ खाथिनि गंसे स्टेशन आव थांनानै लाखिहैयो। जायनि उनाव ट्रेन आव गाखोनाय दावबायारिफोरा गिनानै गारिनि बाइजोयाव ओखोरबोनो हमो। गुबुन सासे सुबुइ एनएसकेनो फोरमायनाय बायदिब्ला, बियो दावबायारिफोरखौ थै गनाय थासारियाव ट्रेनि बाइजोयाव फैनाय नुयो। जायनि उनाव स्टेशननि फ्राय डाक्टरफोर आर मेडिकेल हेफाजाब लाबोनो थाखाय एनाउन्स खालामो। गाग्लोबग्राया खारै-खारै मैनानै गंसे स्टेशन थाडो आर स्ट्रे मनाजार आ गस्ता शार्ट आव थै नुनानै पुलिसनो फन खालामो। गाग्लोबग्रा नि बैसो आ 20 बोसोरसो जागोन।

टकिय', 7 आगस्ट: जापाननि राजथावनि टकिय' आव सान फ्रमबो खारग्रा दावबायारिफोरनि गंसे ट्रेन आव सासे गाग्लोबग्राया दाबा सुरिजों सुनानै सा 10 सुबुंफोरखौ जोखोम खालामो। बिसोरनि गेजेराव सानैनि थासारिया गोब्राब होन्ना सुलुडाव फोरमायनाय जादों। बे जाथाया अलिम्पिक खेला जानाय जायगानि फ्राय एसेल' गोजान जायो। जापाननि एन एस के टिभिआ फोरमायनाय बायदिब्ला, गाग्लोबग्राया गावनि दाबा सुरिजों जायगायावनो गारनानै

खारो। नाथाय उनाव पुलिस आ बिखौ टकिय'नि मोनसे होंगो-दोंगो जाग्रा ओन्सोलाव थानाय स्टेशन फ्राय ग्रेप्टार खालामो। टकिय' दमकल बिफान आ बुंनाय बायदिब्ला सा 10 जोखोम जानाय दावबायारिफोरनि मादाव सा 9 खौ खाथिनि देहा फाहामसालियाव लांनाय जायो आर सासे आ एसेल' जोखोम जादोंमोन, जायखौ जाथाय जानाय जायगायावनो फाहामथाय होनानै न'थाव थांनो होयो। दमकल बिफाननि

## मंगल ग्रहनि फ्राय अन्थायनि नमुना लाबोनायाव फेलें जादों नासानि पारिबरेन्स रबर आ

वाशिंटन, 7 आगस्ट: आमेरिकानि अखामा एजेन्सि नासानि रबर आ गावनि गिबि नाजानायाव मंगल ग्रहनि फ्राय अन्थायफोरनि नमुनाखौ बुधुमनायाव फेलें जादों। रबर पारिबरेन्सखौ बुहुम आव फैफिन्नाय समाव अन्थायफोरनि नमुना लाबोनायनि थांखिजों मंगल ग्रह आव बाग्लाय होदोंमोन।



होदोंमोन। जेजेर क्रे टार आ मंगल ग्रहनि खैफोद गोनो ओन्सोल, जेराव गोथौ गोथौ हाखरफोर, गोजौ गोजौ हाजोफोर, जंफारफोर, बालानि हाफावफोर आर अन्थायफोरनि लैथोमा दं।

पारिबरेन्स मार्स रबरनि लेन्डिं आ जाफुंसारनायाव मुलुगनाडेनि साइन्स्टिफोरा नोजोर होदोंमोन। नासाया गावनि बिबुंथि होनायाव बुदों रबर पारिबरेन्सनि गेजेरजों मंगल

ग्रहनि सायाव अन्थायफोरनि सेम्पल लानाय आर बेखौ ट्युब आव दोन्नायनि गिबि नाजानायनि उनाव बुहुमाव दैथाय हरनाय डेटनि फ्राय इसार मोन्दोंदि अन्थायनि जेबो नमुनाखौ लानाय जायाखै।

वाशिंटन आव नासानि बिगियान मिशन मावख'नि एससिएट एडमिनिस्ट्रेटर थामास जुबुचैन आ बुदों बे जाफुंसारिया हल-इन-वान नडा, जायखौ जों आसा खालामदोंमोन। जेब्लाबो गोदान हासा बाहागोखौ जावखानाय आ खैफोद गोनो जायो।

आंहा फोथायनाय दंदि जौनाव हाबाफारि मावनो हानायनि मोजां टीम दं आर जों इयुनि जाफुंसारनायखौ रोखा खालामनो थाखाय मोनसे जेना सुसांनो नाजागोन। बेजों लोगोसेनो बियो बुदों रबर आ गासै 43 टाइटेनियम सेम्पल ट्युबखौ लानानै थादों आर जेजेर क्रेटरखौ सं दान्दों, जेराव बेयो बुहुम सायाव इयुनखौ सं दानो थाखाय अन्थाय आर हादि बालानि सेम्पलखौ बुथामगोन।

## जापान आ म्यान्मारनि सान्थिफोरखौ सुबुंतन्त्रखौ सोलिहोफिन्नो, जोबथेनानै दोन्नायफोरखौ हगारनो खवलायदों

म्यान्मार, 7 आगस्ट: जापान आ थांनाय शुरुबारखालि म्यान्मारनि सान्थिफोरखौ थांनाय 1 फेब्रुवारी आव खुं थाय सोलायनायनि उनि फ्राय जोबथेसालियाव दोन्नाय सुबुंफोरखौ उदां खालामनो आर मकां दै जिडव दरबा खोला सान्जा एशिया हादतफोरनि गुबुन हादतयारि मन्त्रिफोरजों लोगोसे मोनसे जथुम्मानि समाव हादत आव सुबुंतन्त्रखौ सोलिहोफिन्नो खवलायो, जेराव म्यान्मारनि सान्थि थान्दै आ बाहागो लादोंमोन। जापाननि गुबुन हादतयारि मन्त्रि तशिमित्सु मतेगी आ हिंसायारि जाथायखौबो थाबैनो फोजोबनायजों लोगोसे अलखदनि फ्राय बारग'नाय नेमखांथि सायाव मोनबा नेमखांथिखौ गनायथि होनो थाखाय आसियाननि सावयनायाव जापान आ मदत



खालामो। क्यड निउजनि रिपर्टनि बायदिब्ला, जापान, मेकां जथुम्मायाव कंबडिया, लासअ, म्यान्मार, थाइलेन्ड आर क्वितनाम आ बाहागो लायो। बेनि सिगां आमेरिकानि गुबुन हादतयारि मन्त्रि एन्टनी ब्लिंकन आबो आसियान सोद्रोमाफोरजों म्यान्मार आव सान्थि यारि

युसफखौ म्यान्मारनि जरखा थान्दे महरै थिसनो। नाथाय बियो बैयाव माल्ला थांगोन बेयो दासिमबो थि जायाखै। बेनि गेजेरजों म्यान्मारनि सान्थियारि दैदेनगिरि मिन आं हलाइं आ बे सप्ताहनि जागायनायाव गावखौ हादतनि गाहाय मन्त्रि महरै फोसावनानै बुडोदि, फेगौ 2023 आव बिसायख'थि खालामनायनि सिगां इमार्जेन्सि थासारिनि समाव बिथांखौ बोसोरसैनि थाखाय बिबानगिरि खालामनायनि बिथांखि लादों। मख'नो गोनांदि, थांनाय 1 फेब्रुवारी आव म्यान्मारनि सान्थिफोर सान्थि नडे सरकारखौ बोखलायना बोसोरसे सिम इमार्जेन्सि फोसावदोंमोन। बेनि जाहोनाव गोबां धर्ना फोर खालामनाय जायो आर बेफोरव दासिमाव सा 945 निखुइबो बांसिन सुबुंफोर थैनायनि खौरां मोन्नाय जादों।

मख'नो गोनांदि, अखाफोरव जिउनि इसार मोन्नायखौ सं दान्नायनि थांखिजों कारनि दाथायनि पारिबरेन्स रबरखौ फेब्रुवारी दानाव मंगल ग्रहनि जेजेर क्रे टारनि सिडाव बाग्लाय

## इज्राइल आ गाजा पाट्टी आव थानाय हामासनि केम्पफोरनि सायाव गाग्लोबदों

मस्क, 7 आगस्ट: इज्राइल आ गाजा पाट्टी आव थानाय हमासनि थाग्रा केम्पफोरसाव गाग्लोबो। आइडिएफ आ थांनाय शनिबारखालि बुंनाय बायदिब्ला, इज्राइलनि सान्थिफोरा गाजा पाट्टी आव थानाय हमास इस्लामि सोमावसारनायनि सुबिधाफोरनि सायाव गाग्लोबो। बेखौ फिलिस्ताननि मोनसे गाग्लोबनायनि फिन्नाय होन्ना फोरमायनाय जादों। फिलिस्ताननि एन्क्लेथनि फ्राय माखासे गिखं थाव बिलुन हगारहदोंमोन। बेनि सोमोन्दे आइडिएफ आ गावनि टिउटर पेज आव लिरोदि, दिनै गाजानि फ्राय इज्राइल आव गिखं थाव बिलुनफोरखौ लांथ्रियै हगारहरनायनि



फिन्नायाव जों दासो हमासनि सान्थियारि परिफर आर रकेट

नोगोरारि ओन्सोलावमोन। आइडिएफ आ हमास आ फिलिस्ताननि नोगोरारिफोरखौ अलखदाव खोखलैबाय होन्ना आरबाव खेबसे बुंबावो। मख'नो गोनांदि, आइडिएफ आ गाजा पाट्टीनि फ्राय जायथि जाया उतखारि गाग्लोबनायनि हेंथायै फिन्नाय होनो थियायि। गाजा पाट्टीनि सामलायनायाव मोनसे फिलिस्ताननि सुन्नी उतखारि आफाद हमास आ इज्राइल जों लोगोसे गोबां समनि फ्रयनो दावहा नांगसिनो दडा जाय दावहायाव दासिमबो फिलिस्ताइन्सखौ मोनसे उदां रजखान्थि आरि आफाद महरै मोन्थाय होनो नेवसिगारो। गाजा पाट्टीनि फ्राय जायथि जाया गाग्लोबनायनि थाखाय इज्राइल आ हमासखौ दायनिगिरि महरै गनायो।



